

C V D

A T G G

1 6 1 1






*[Faint red ink markings, possibly a library stamp or number]*

*ov 9.1*

*Libb. med. Hto  
2 H. 23. V.*









Content

1. Oberst Magnus
2. Inauguralrede v. d. H.
3. "Bau und Zusage" von Bau f. ungr.  
Pflanzten, Zu f. l. l.
4. Inauguralrede v. d. H. 1602.
5. Inauguralrede v. d. H. 1603.
6. Inauguralrede v. d. H. 1604.
7. Inauguralrede v. d. H. 1607.
8. Dialogus Medicorum Chymicorum  
Adami Brucij 1609
9. Cura gravidarum Herticij 1610.
10. Inauguralrede v. d. H. 1611.



Albertus Magnus.

# Das buch der ver

samlüg:oder das büch d̄ heim

ligkeiten Magni Alberti/ von artzney vñ  
tugenden der kreüter vñ edel gestein/  
vñ von etlichē wolbekanten thieren.



13 Aug 23 farn



*[Faint, mirrored text, likely bleed-through from the reverse side of the page]*



AB 1 153 980

L 57





## Ein vorred in diß büch.

**A**lso wil der philosophus Aristoteles an vil ortē seiner lere/ dz alle kunst ist von d̄ gemeynē gestalt d̄ güten ding/ Aber durch ire würckūg ist sie etwan böß/ etwan gut/ nach dē vñ die kunst verwädelt würt zū einē güten vñ zū einē bösen end/ zū dē sie dan genwürckt wirt. Vß wölchē werden beschlossē zwey ding. Deren eins vñ dz erst ist/ dz die kunst Magicalis d̄ altē weysen lere ist nit böß/ dan durch ire erkantniß/ mag fürkōmen vñ vermittē werdē/ das böß vñ übel/ vñ dz gut mag volendet werden. Es wirt auch beschlossē dz ander. Seytmal dz die vß würckūg wirt gelobt vmb des ends willē/ vñ wirt auch gescholtē dz end d̄ kunst vnder weylē böß/ als wan es nit geordiniert wirt zū dē güte od̄ zū d̄ tugent. Vß wölchē volgt dan hernach das die kunst od̄ würckūg/ etwan gut od̄ böß ist. Aber darūb dz die kunst d̄ weysheit/ ars magicalis genant/ od̄ ir erkantniß gut ist/ als vorgesagt ist/ vñ ist ein wenig böß in d̄ speculierung od̄ betrachtūg d̄ vrsachē vñ in d̄ speculation d̄ natürlichē ding. Nach dem vñ ich vō den altē lerern erfare hab vñ vernōmen Ja auch ich Albertus selber/ gar in vil stucken die warheit funden hab/ vñ vnderlaß die warheit etlicher stuck/ vß dē büch Chiradis vñ in dē büch Alcorath. Vñ wil am erstē sage vō etlichē zeichē d̄ geburt vñ fruchtbarkeit d̄ frauē darnach vō etlichē artzneyen der kreüttern/ zūm dritten von etlichen edlen gesteynen/ zūm vierden von etlichen thieren/ vnd von ir aller tugenden.





**S**ieind etlich zeichē der  
geburt der frawen/das erst/wān ein  
fraw thūt die werck mit ein mann  
empfindt sie darnach kelt vnd sch  
merzen in den nieren das ist ein zei  
chen das sie empfangen hat. Auch so ein fraw sich  
an ir selbs verwädlet/od begert seltsam speyß/ als  
leimē/ Kolē od erdrich. ¶ Itē wiltu wissē ob sie ein  
Knāblin oder ein metlin trag/nym war gewint sie  
darnach ein grossen bauch vff d rechten seyrē/vnd  
wān die recht brust mer milch hat dan die linck/ist  
ein zeichē dz ein Knab wirt/vn so sie ei rote farb hat.  
¶ Wie ein kind zū dē erstē in mütter leyb ist/ im er  
stē monat ist es ein gesamlet blūt/im andn monat  
ist es ein vrsprung eins leybs/ im drittē monat ist  
es ein leyb/im vierdē empfach es nagel/im fünff  
tē monat hat es die geschicklicheit des vatters od  
d mütter/dz man mag sehē ob es ein Knāblin oder  
ein metlin ist/ im sechstē monat hat es adern über  
allē seinē leyb wie ein mēsch habē sol/ zūm sybendē  
monat hat es marck in den beinen zūm achstē mo  
nat mit beinē geuestiget vn gesterckt/ im neunden  
monat scheidet sich die natur vn wirt ein wolge  
thon kind/kompt vß der finsternuß zū dem tag.  
¶ Wān das belglin secundin/da das kind in geles  
gen ist nit von d mütter wil/ so puluer ein stein d  
da heißt Agathes appellatur/ vnd gib irs zū trin  
cken in einē tranck. ¶ Item mach ein dampff von  
hüner federn/vnnd laß sie darüber sitzen das der  
dampff zū ir gang. Auch wann sie trinckt ab dem  
kraut plantaginem/dz ist wegrich so gat dise ma  
tery all von ir vnd wirt gesund.

Nota.



¶ So ein frau nit seügē mag dz kind/die sol trinckē  
ckē met. Es wär auch güt trinck sie güt neüw bier  
sie sol kein neüwen wein trincken/vnd sol fenchel  
ytrinckē in milch am abent ynnemen/nym boley  
kraut mischs od machs in wein/gib irs zü trinckē  
so ernert sie das kind alltag vnnnd hat überflüssig  
milch. Wacer der meister spricht/münzkraut frū  
geesse ist güt dē weybern die kind seügē vñ hilfft in

¶ Das ein frau leychtlich geber/bind ir an die lin  
ckē hufft bilsenkraut wurzeln/binds an dz du den  
Knopff wider vffziehst/so bald sie gebürt/das die  
wurtzel hingeworffen werd. ¶ Noch ein vast groß  
güte artzney darzū/nym lorber bletter/zertreyb die  
vnd legs ir vff den nabel/von stunden an gebürt  
sie das kind/mit d̄ hilff gottes geschicht alle ding.

¶ Honig wasser zü machen/nym ein löffel vol hon  
nig/vnd zwen löffel vol wasser/vñ misch die zwey  
stück vnder einander/vnd gibs der frauen zü trin  
cken die in grossen kinds nöten leyt. Auch ist vast  
güt gestoßner myrrē getrunckē in weis so genißt sie

¶ Gebürt die frau ein kindt/in acht monaten/so  
bleybt es gar selten vnnnd kümmerlich lebend/vrsach  
ein frucht hat iren rechten vrsprung erst im syben  
den monat/im achten monat rüwet es. Wenn es  
im neünden monat vßgat/so mag es wol gesunde  
vnd lebend bleyben.

¶ Etlich frau gebürt schwärlich die ander leycht  
lich. Etwan kompt die frucht vor mit einer hand  
oder füß/das ist schädlich/es sey dan das die frau  
starcker natur sey/so möcht sie tod bleybē. Die heb  
amen söllē aber ertliche salbē habē/vñ söllē sie salbē  
ben an ertlichē endē etc. So geet die frucht vō statt.

A iij

*Reif für gebürt*

*Quelle für den  
mit der gebürt*

R



¶ Vß zū treyben das geblüt von der frawen/nach  
der geburt. Nym die hirnſchal vonn ein kappon  
zerstoß zū puluer gibs ir zū trincken. Auch trinck  
sie vō dē kraut vñ wurzel/dz heißt tauſent guldin  
kraut od tauſent blat/dz treybt vß die krankheit  
wan eine schon fünffzig iar alt wär. Vß nym myr  
ren thū den in ein apffel/vñ beschleiß in wider vñ  
brat dē apffel/ vñ gib ir dē zū eſſen ſo genißt ſie.

¶ Das die fraw ir zeyt überkōm. Nym viola vnd  
myrra in ein geſchirz mit regenwaſſer/laß es ſiedē  
vñnd vermachs das der dampff nit dauon mög/  
laß es ſton ſyben ſtund/laß die fraw darüber ſitzē/  
das der dampff vñden zū ir gang/ ſo wol vñnd ſo  
warm/als ſie es erleyden mag. ¶ Item nym wer  
müt vñ rauten/ Koch das in wein/thū darzū fünff  
pfeffer kōmer/ vñ gib irs zū trincken.

¶ So ein fraw zūwil ir kräckheit hat/zerstoß weck  
holter vñ die rindē vō den weckholtern/ machs in  
wein oder in eſſig vñ nymbs yn/vñ weckholter ge  
eſſē iſt auch vaſt güt. Auch die äſchē vō lobfrōſchē  
am halß getragē in ein ſeckel iſt auch güt darzū.

¶ Wan einer frawen die brüſt weethünd/die nent  
wegrich oder wegweyß/vñnd zerstoß wol vñnd binds  
über die bruſt/oder nym zwyblen vñnd erbsen/ vñnd  
zerstoß mit altem ayungiam/das leg vor in waſſer  
das kein ſaltz darbey beleyb/ vñnd mach dar vß  
ein pflaſter über die bruſt.

¶ Wan ein fraw bey ir tragt eyſenkraut in einer  
kinderberth/iſt güt für alle böſe anfechtūg/wan ein  
kind dz ſelb an im hat/mag im kein geſpenſt oder  
zauberey nit ſchaden/ ſo ſchlaſt es wol vñnd rüwet.  
¶ Itē wan du wilt ferz od weyt reytē/ ſo hēck dē roß

*brustvorsatz*



dz Krut vñ wurtzel an dē halß/so wirt es nit müd. *für müdheit:*  
¶ Her widerüb so ein fraw eins merlins schwang  
er gat/so ist sie gewonlich bleicher farb vnd schwer  
müttig vnd ist ir der bauch lang vff der rechtē sey  
ten/vnd an der lincken seyten würblecht/auch die  
brust in der lincken seyten geschwilt/vnd so milch  
vff iren harn geschitt würt schwymbt sie embor.  
¶ Das ein fraw zū geschicklicher zeyt empfaben  
mög/so sie bey wil schlaffē so sol sie nit zū vil essen  
oder trinckē. Wan der frawen ir Franckheit köpft  
so ist sie nit geschickt zū empfaben.  
¶ Feiste frawen seind minder geschickt schwang  
er zū werdē od zū empfabē/dan die mageren/vñ ha  
ben kein geschicklichkeit mit allē dingen/schafft ir  
grosse feüchtigkeit/dardurch würt es als gehindt.  
¶ Auch so ein fraw vnfruchtbar wär von übriger  
hitz wegen/so gib ir zū essen das es diß kelt/als lat  
rich vñnd bappelnkraut/ancken/portulacas. So  
aber ir die mütter offen steet/sol man brauchen mi  
stel/vnd auch gallöpffel.  
¶ Das ein fraw empfahe/nym das in der eychlen  
fiscum/thū das in wein vnd gib irs zū trincken so  
sie nit ir zeyt hatt. Plinius der meister spricht/gib  
ir von einē hasen heist zū latein vulua leporis/in  
einer speyß. ¶ Item wasser da larrich in gefortē *zur empfangnis*  
ist/gib od frawē nüchtern/so wirt sie zū empfaben  
geschickt/vñ so bald sie empfangē hat/schitt sie dz  
trancē wid vō ir. Auch wan ein thier/als ein saw  
mit dē eber/od ein küw mit dē farrē zū lauffen wil *ebor geben:*  
so gib ir eberhoden zū essen/so würt sie tragen.  
¶ Wann ein fraw von feist wegen nit empfaben  
mag/das sol man vertreyben mit Theodoricon vñ



**Serapigra.** Wann ein fraw von windē nit ir zeyt haben mag/ so vertreybs mit fenchel samen/ vnd mit rauten vnd mit tille.

¶ Aber wañ ein fraw vō beschlūßlicheit irer müt- ter vnfruchtbar ist darzu muß mā brauchē Apos- mata/in wölchen gekocht ist bilsam vnd fenun- greci/ancke/öl vñ honig/vñ Kamillē/auch braucht man Therpretein/thüt man in etliche ort.

¶ So ein fraw empfahñ wil so trinck yn der man- od die fraw den schum dē ein haß zwyschē dē mul- hat/wañ er kraut ist/ vō stundē an empfacht sie.

¶ Item der recht homen von einer wisel/wañ der würt zerknitschet vñ gemyscht mit Ipericon vñ mit Sanapessari ist auch güt.

¶ Item gib einer frawē zū trincken pferdts milch/ vnd beschlaß sie dan/so würt sie dann schwanger. also spricht Albertus magnus. libro. xviii. capitu- lo. equi. in fine.

¶ Item so einer frawē ir geburt schwär ist/ so gib ir Dyptrami mit wasser/fenun greci. Vnd auch fe- num greci ist güt mit honig gemyscht/ist auch güt zū der geburt/auch ist güt Serapion mit kucher erbeiß wasser getrunckē/ist bewert vñ vast güt.

¶ Item milch einer andern frawen vnd artheme- sia vnder ein ander gethon/vnd über den nabel ge- bunden/so gebürt sie bald.

¶ Item wañ ein fraw in kinds nöten leyt/so mach sie ein äscher wasser vñ setz die bein daryn/so muß es von statt/wenn sie sunst nit genesen mag/ so sol sie es thün.

¶ Wann ein fraw empfindt bey ir ein tod kind/die nem weckholter bletter mit wasser vnd honig ge-

*saufsam*

*yferdmilch dinst  
zur onyfangnis*



Kocht/ vnd nym das yn/ das vertreybt das tod kind  
vnd das da das tod kind inn leyt/ vnd was her vß  
gehört. Hali der meister spricht.

¶ Item nym milch von einer andn frawē mit öl  
getruncken/ vertreybt die todten frucht von ir.

¶ Item ein edler stein mit namē Jaspis hat auch  
die tugent vß zütreybē die frucht die bey einer fra  
wen gestorben ist.

¶ Item nym myrren/ zerstoß in vnd trinck den in  
wein/ ist auch güt vß zütreyben die todten frucht  
von der frawen.

¶ Wenn einer gern wolt wissen ob eine ein iunck  
fraw wär oder nit/ so nym den somē der da genant  
würt in latein Portulace/ vnd spreng das vß kon  
len oder glüt/ also das der rauch zü ir gang/ vnd  
ist sach dz sie kein iunckfraw ist/ so würest du wun  
der sehen/ vnd nym darzū eppich mit der wurzle/  
vnd leg irs auch vß den kopff. das sie nit darumb  
wisse/ so sihest du wunder.

¶ So aber ein fraw nit empfahē möcht von über  
riger grossen feüchrigkeit wegen irs leybs nit em  
pfahen mag/ so mag man es wol spiren/ wann sie  
die ding pfligt zütreyben mit irem man/ so hat sie  
vil natur/ vnd ist ir krankheit düñ vnd nit dick/  
die selbig sol sich truckner speyß gebrauchē/ als da  
ist Alpozimate vnd mistel/ myrra/ rosenblüt/ vnd  
granatöpfel/ vnd künich ist vast güt darzū.

¶ Wann ein fraw nach der geburt nit mag gerei  
niget werden/ die sol nemen linsomen/ vnd zerstoß  
den wol/ vnd Koch das mit altem ferndigem wein/  
vnd gib irs darnach züttrincken. ¶ Item wan ein  
er die scham geblewet oder geschwollen ist von den

*iunckfrawen zu  
probieren.*

*1-3*

*reinigung der fr  
vor nach geburt*

A v



*für die geschwulst der  
Sam der frauen*

wercken die sie getriben hat mit dem man / so sol sie  
baplen sieden in ein kessel / vnd sol die bein daryn  
setzen / so vergat es ir vñ wirt widerumb gut.

¶ Item wan ein frau zu vil vnkeusch ist / so mach ir  
ein tranck mit zweyen stucken / dz ist betonica vñ sol  
sequiu / dz ist sonen wirbel / dz zerstoß vnd thu dz in  
ein essig / vnd gib ir das zu trincken.

¶ Item wan ein frau zu vil ire krackheit hat / die  
sol nemen drey stengel plantaginem mit wurtzlen  
vnd mit bletter / vnd das solt du den in regen was-  
ser legen / vnd gib das der frauen die ir zeyt zu vil  
hat / vnd von stunde an / so stillt es ir. ¶ Item ein  
frau mag auch wol rosenwasser trincken / das ist  
auch gut vnd stillt dauon bald.

¶ Merck wenn man die werck vnordenlich treybt  
mit einer frauen / es sey beseyts oder sunst mit wil-  
len / das schadet der frucht / oder wan sie dem man  
mit gehorsam wil sein / vnd also machen / wenn sie  
schon ein frucht empfacht / so wirt es lam in den  
seyten oder an den füssen etc.

*für tode kinder*

¶ Item wann ein frau erschrickt oder sunst ir ein  
kind abledig wirt vnd abgeet vor der zeyt / die soll  
nemen ein krebs der in der bach laufft vnd sol den  
zerstossen / vnd in altem wein trincken. Also spricht  
Plinius / am .xxxij. capitel.

¶ Wiltu wissen wie ein kind in mütterleyb ernert  
wirt / so merck also. Ipcras spricht ein bewertter  
meister der artzney / spricht also in quodam capitu-  
lo / die brüst d frau habe ein versamlug mit dem  
secklin secundina / da dz kind in leyt in mütterleyb /  
durch ein aderlin dz vō den brüsten dē kind hinab  
vntz an den nabel geet / dardurch die milch d frau



wen vō den brüſte dē kind zū hilff vñ narüg komē  
mag/damit dz es ernert würt in müetrleyb/darüb  
ſol man kein frawē laſſen groſſe od vnzymliche ar  
beit thün/auch ſollē ſie nit ſchwers fräulich ding  
vff ſich oder vff dz haupt heben/dañ gar liederlich  
würt dē kind dz äderlin entzogē/ſo iſt es dā vß mit  
dē kind vñ köpt darüb. Aber man findt etliche gro  
be man die nemē an dz ein fraw mer arbeit thet  
dan er/oder erwan ſich vnzymlich haltet gegē den  
gütten frauwen das ſie leychtlich über ſie erzürnt  
werden/vñnd ſie ſchlahen dardurch ſie erſchrickt/  
vñd vmb die frucht kompt/ſo gibt man dann der  
gütten frauwen die ſchuld/ſo iſt es des mans ſchuld  
der ſich alſo vnzymlich mit ir gehalten hat. Her  
widerumb ſeind auch etliche iunge frauwen/wañ  
ſie ſchon mercken das ſie ſchwanger ſeind worden  
beſchemen ſie ſich des vñd gütten ſich/vñd hond  
alſo ir weſen nach als vor vñd meynen ſie wöllent  
es lenger vertrucken/etliche verdruckt es alſo das  
ſie drum kompt/etliche thünd es gern/ſo ſie nit den  
vatter darzū wiſſen/vñdertweylen wiſſen ſie den  
vatter wol/ſie beſchemen ſich aber das ſie vß dem  
weg ſeind gedretten/vñd vnrecht haben gethon/  
vñd meynen dann es wiſſe das nyeman/nicht den  
ſter minder ſo weiſt es doch der almechtig got/der  
alle ding weiſt/vor dem ſie ſich allermeiſt fürch//  
ten müſſen vor dem ſie nichts können oder mögen  
heimlich thün/vor dem ſelben müſſen ſie ſich be//  
ſchemen/wann er würt ſie auch ſtraffen. Es wär  
besser man het ſcham vñ ſchand vor der welt dan  
dz ein menſch ſein ſchand vor d welt nit wil thün.  
Wañ dardurch verleürt mā gottes huld vñ köpt



zū der straff gottes/ vnd zū des teüfels gespött/ zū  
der hellischen pein/ vnd zū den ewigē schanden.

¶ Item wilt du nun wissen ob ein kind in mütter  
leyb krank sey oder gesund/ das merck also/ wann  
ein frau eins Kindes schwanger ist/ vñ ire brüst vil  
milch geben/ ist nit gut/ vñnd ist ein vzkund vñnd  
zeichen/ das dz kind in mütterleyb schwach vñnd  
krank ist/ wān daruon das kind sich erneren solt/  
das geet zū den brüsten vß/ ist ein zeichen das dem  
kind das äderlin entzuckt ist daruon im die narüg  
werden solt/ von den brüsten der mütter/ oder das  
das kind sunst krank ist. Aber wann der frauwen  
die brüst hert sind vnd kein milch von ir geet/ das  
ist ein gewiß gut zeichen das dz kind frisch vnd ge  
sund ist/ vñnd im nichts gebrüst in mütterleyb/ das  
solt du glauben.

*Erkennet: ob dar  
man oder die frau  
unfruchtbar sei:*

¶ Item wilt du nun fürbaß wissen bescheid ob ein  
frau vnfruchtbar sey oder der man/ dz mag man  
darbey mercken vñ verston/ weñ sie bruntzt in ein  
geschirz/ vnd laßt es ein zeyt lang ston/ vnd wach  
sen dann würmlin darinn/ so ist sie vnfruchtbar/  
wachsen aber kein würmlin darinn/ so ist se frucht  
bar/ also sol es der man auch probieren.

¶ Item nun haben wir ein ander vnderweysung  
vnd bewerung die da gut ist/ vnd zū probieren vñ  
beweren wess die schuld sey vnder inen beiden/ ob  
ein man oder ein frau vnfruchtbar sey/ merck al  
so thū/ nym syben gersten kōrner vnd syben bonen/  
vnd nym syben weizen kōrner/ die stuck solt du in  
einen hasen thūn/ vnd solt darüber bruntzen/ vnd  
kymen oder wachsen sie in syben tagen/ so ist sie nit  
vnfruchtbar/ vnd ist nit ir schuld/ kymen sie aber



mit so ist sie vnfruchtbar/ also solt der mann auch  
probierē weñ er wil/ das spricht Albertus magnus  
lib. v. tract. ij. ca. prope.

¶ Wan eine wil das ir die brüst nit sollent wach-  
sen/ so sol sie nemē ein kraut dz da heist vildiniatē  
das kraut soltu vorhin wol zerstoßen/ vnnnd binds  
mit einē tūch über die brüst/ vnd nym magsonen  
vnd koch das in regen wasser/ vnd dunck allwegē  
ein lynen tūch daryn/ vnd legs als darüber ein tag  
oder drey als warm als sie es erleyden mag/ das ist  
auch güt darzū/ wan das tūch kalt würt/ so sol sie  
es widerumb wermen vnd darüber thū.

¶ Ein end hat das erst teyl dises büchs.

¶ Nun volgent hernach die kreü-  
ter dauon ich dann sagen will.

i	Elitropia	Sonnen wirbel
ij	Urtica	Nesseln
iiij	Virga pastoris	Teschē kraut
iiii	Celidonia	Schelkraut
v	Peruica	Ingrien
vj	Nepta	Nept kraut
vij	Lingua canis	Hunds zung
viii	Jusquiamus	Bilsam
ix	Lilium	Lilien
x	Discus quercinus	Eychen mistel
xj	Centaurea	Tusent guidē od erdgall
xij	Salvia	Salbey
xiiij	Verbena	Eysenkraut
xv	Mesipholos	Taubnesseln mit dē wys
xvi	Rosa	Rosen (sen blümlin
xvij	Serpentina	Naterwurz



**B** Als erst Krut bey den Caldayer wirt genant  
Tros/bey den Kriechē matuchiol/ bey den  
lateinischen Litropia. Wölches vßlegüg  
würdt gesatzt von Tlios/das ist der sonnen/ vñ tro  
pos umbwendung/wañ es ist gekeret zü der sonen  
Aber diß Krauts tugent ist wunderlich/wann so es  
gesamlet würdt wañ die son ist im löwen im augst  
monat/vnd würdt dan verwicklet in ein lorber blat  
vnd auch darzū gethon ein wolffzan/ vñ dan also  
bey im getragen/ so mag nyemant wider den tra//  
genden habñ stymen zü reden dan allein fridsame  
wort. Vnd so ein etwas genömen ist worden/ vnd  
legt das in der nacht vnder sein haupt/ so würdt er  
sehen den der das gethon hat vnd alle sein gestalt  
vñ eygenschafft. Vnd aber so die vorgesagte ding  
gelegt werden etwan in ein capel vnd Kirch da vil  
frawen seind/ wölche Le vffirer seyten von irem  
teyl gebrochen wirt die mögent nymer her vß gon  
vß dem tempel es werd dan hinweg gethon/ vñ dz  
letst ist bewert vnd aller warest.

**¶** Das ander Krut wirt genant vō den caldayer  
roybs/vō den Kriechē olieribus/vō den lateinischñ  
od gallier wirt es gcheissen vrtica/dz ist nessel. diß  
Krut so du dz haltest in d hand mit dē Krut millefo  
lio/dz ist garbe/so bist du sicher vor aller forcht vñ  
vō aller fantasey. Vnd so dz gelegt wirt mit safft  
vō hanßwurz/ vñ wirt die hand gesalbet damit/  
vnd das überig gelegt in das wasser/ vnd gangest  
dann in das wasser da visch inn seind/so versam//  
len sie sich zü deiner hand/ auch in die ryse/ vnd so  
du dz wid her vß zeühest/als bald so springet sie wi  
der zü iren eygē ortē da sie vor gewesen warent.



¶ Das dritt krot würt genant von den Calday  
er Loromborot/von den Kriechen Allomoth von  
den Lateinischē virga pastoris/dz ist Teschē krot  
Disß krot nym vñ temperier dz mit safft vō Man  
dragoza/dz ist Alrun zc. vnd gib dz ein hund oder  
ein andern thier/vnd so wirt es schwanger in sei  
nem geschlecht/vñ wirt ein frucht habē in seinē ge  
schlecht/von wölcher frucht so da genomēn wirt d  
banckzan/vnd yngetruckt in die speyß oder tranck  
alle die dan darvon trincken/die fahēt als bald ein  
Krieg oder hader an/vnd so du das wider wilt stil  
len vnd abthün/so gib inen safft von baldrian so  
würt als bald friden vnder inen wie vor zc.

¶ Das vierd krot wirt genāt vō dē caldayer aqui  
laris/wā es wachst so die adler ir nester machē/vō  
den Kriechē wirt es geheissen valis/vō den lateini  
schen celidonia/dz ist schelwurtz. Disß krot zū der  
zyt so die schwalbē nester machē so wechßt es/auch  
so die adler nistē/disß krot so dz yemāt hat mit eins  
mulwerffē hertz d überwindt alle feynd/alle sachē  
vñ thüt hinweg alle Krieg vñ had. Vñ so dise vor  
gesagte ding gelegt werdē vff dz haupt eins kräckē  
menschē/sol d sterbē so singt er als bald mit ganz  
er stymen/ist dz er nit stirbt/so weinet er.

¶ Das fünfft kraut würt genant vō den Calday  
er Nerisi/vō den Kriechē Doray/vō den Lateini  
schen Prouicalis od peruica/dz ist Ingrien. Wā  
disß kraut gepuluert mit erdwürm verwickelt vnd  
mit haußwurtz/ so bringt es liebe zwyschē dē mañ  
vñ der frauē/ so sie sich des gebrauchē in der speyß  
Vñ so dise cōposition vñ vermischung mit ein we  
nig schwebel gelegt würt in ein weyher da fisch in

*foliomy*

*3. krot  
abf. p. 1000  
d. 1000  
1000*



seind so sterbēt sie alle. Vnd so das in eins büffels  
mund gethon würt/springt er als bald von einan  
der in mitten/vnd das ist erfahren von den neüwē  
Philosophis. Aber so diß vermischung vnd confe  
ction gelegt würt in das feür/ so würt es als bald  
verkert in ein schwarze dunckle farb.

¶ Das sechst Kraut würt genant vō den Caldayn  
er Borith/vō den Kriechē Xens/vō den Lateini  
schen Nepta/das ist Nept Kraut. Diß Kraut nym  
vnd vermisch das mit dē stein der funden würt in  
dē nest des vogels widhopff genant/vnd kratz da  
mit den bauch erwā eins thiers/so wirt es schwän  
ger oder berhafftig/vnd würt haben in seinem ge  
schlecht ein frucht die ganz schwarz ist/vñ so mā  
inen das in die naßlöcher thüt/so fallent sie nider  
auff die erd als werent sie tod/ aber über ein kleine  
weyl darnach kōment sie wider vff. Vnd so dz vor  
genant vermischet ding gelegt würt in ein ymen  
Korb/so flühent sie nymmer/sunder da versamen sie  
sich. Vnd so die ymen oder binen ertrunckē werden  
vnd gar bey sterben/vnd dan gelegt werden in dise  
cōfection/über ein kleine zeyt darnach/als über die  
weyl einer stund/so überkōment sie das lebē wider/  
wan das würt vergleycht der verlornen natur/vñ  
das ist ein zeichen der vrsend/darzu so die fliegen  
die ertruncken gelegt werden in heisse äsche/ so üb  
erkōment sie das leben bald darnach wider.

¶ Das sybēt Krut wirt genant vō den caldayer al  
geil/vō den Kriechē oros/vō den lateinischē lingua  
canis/dz ist hūds züg/diß Krut mit ein frosch her  
gen/vñ irer mütter/legs hin wo du wilt/vñ über et  
lein weyl darnach so vsamlē sich da selbs alle hūd



des dorffes. Vnd so du das vorgesagt ding hast vn-  
der deiner grossen zehen/so erstrumen all hund vñ  
mögen nit sterben/vnd so du das vorgesagt hencle  
est an den halß des hundes/ also das er dz nit mag  
mit dem maul anrüren/ so laufft er stätigs vmb  
gerings weyß wie ein vmbauffend rad biß das er  
niderfalt vff die erden als wär er tod/vnnd das ist  
erfahren bey vnsern zeyten.

¶ Das acht Kraut würt genant vō den Caldayer  
Mansela/von den Kriechen ventosin/von den la-  
teinischen oder gallier Jusquiamus/das ist Bil-  
sam. Dis Kraut nym vnd vermisch das mit Reu-  
algar vnd hermodatilen dem Kraut zeytleßen/vñ  
thū das in die speyß eins wütenden hundes/vnnd  
so verdürbt er als bald vnd vergar/vnd so du sein  
safft mit den vorgesagten dingen thūst in ein syl-  
bern becher/so bricht er zū kleinen stücken. Vnd so  
das vorgesagt ding mit dem blüt eins iungen ha-  
sen vermischest/vnd verneigest das in ein hasen-  
balg/so versamen sich da selbs alle hasen/biß das  
er hinweg würt gerhon.

¶ Das neünd Kraut heist bey den Caldayer An-  
go/bey den Kriechen Amola/bey den Lateinischē  
Lilium/Das seind weyß gilgē. So du das Kraut  
versamlest wann die son im zeichen des löwen ist/  
vnd vermischest das mit safft von lorbern. Daru-  
nach legest dis safft in ein mist ein zeyt lāg/ so wer-  
den es würm/vō wölchen so dar vß ein puluer ge-  
macht würt/vnd würt dan gelegt vmb eins halß  
oder in seine cleider/so schlafft er nymer mag auch  
nit schlaffē so lang biß dz es daruō genōmen wirt.

¶ Das zehend Kraut würt genant vō den Caldau

B



yer Luperay/von den Kriechen Esifena/von den  
Lateinischen Discus querci/das ist Lychen mis-  
stel/vnd wechset in den baumē da d̄ baum durch-  
löchert ist. Diß Kraut mit einem andern Kraut dz  
da genant würt Martegon/dz ist Silphium als  
man schreybt in teütscher zungen/das thut alle  
schlösser vff. Vnd das lege ich/vnd so das vorge-  
sagt vermischet ding würt erwan in eins mund ge-  
thon vnd würt dan gedacht erwan von ein/sol dz  
geschehen/so salt es im in sein hertz/sol es aber nit  
sein/so gat es wider dahin. Aber so das vorgesagt  
gehenckt würt an ein baum mitt eins schwalben  
fettich/da versamlē sich vogel wol über fünff mey-  
len her/vn̄ das lest ist bey meinen zeyten versücht  
vnd erfahren.

*Vogelzinn  
schmelze*

¶ Das eylffte Kraut würt genant von den Calda-  
yer Isiphilon/von den Kriechen Argelon/vō den  
Lateinischen Centaurea/dz ist Erdgall oder tau-  
sent guldē. Aber diß Kraut sprechē die weysen/das  
es wunderliche tugent hab/wan̄ so es würt zuge-  
fügt mit blüt eins widhopffen weyblins/vn̄ würt  
dan̄ gethon mit öle in ein ampel/alle die darumb  
stond/die glaubēt dz sie also groß seyent/das einer  
von dem andern glaubt oder meynt dz sein haupt  
sey im sinwel vnd diefuß vff erden/vnd so diß ver-  
mischung od̄ ölung gethon würt in eins naßlöch-  
er/vor forcht die er habē wirt fleühet er behend hin-  
weg/vnd das ist versücht vnd erfunden.

*wunderliche  
tugent*

¶ Das zwölft Kraut heißt bey den Caldayer Colo-  
rio oder Coloricon/von den Kriechen Clainoz/vō  
den Lateinischē Salvia/das ist Salbey gemeyn-  
lich genant. Aber diß Kraut so es geseület würt vn̄

*salbe*



der dē mist in ein glaß/ so gebürt es ein wurm od.  
vogel der da ein schwantz hat als ein trostel/ von  
wölches blüt so einer berürt würt an der brust so  
verleürt er die syñ vff ein monat vnd mer. Vnd so  
die vorgeant schlang verbrant würt/ vnd würt  
dan die äsch geleyt in das feür/ als bald würt ein  
ply ein grausamlichñ donders schlags. Vnd so  
das vorgeant puluer gethon würt in ein ampel  
vnd angezündet/ so scheinet es als wär das gantz  
haus vol schlangē/ vñ dz ist erfare vō den neüwē.  
¶ Das dreyzehend kraut heist von den Caldayer  
Alsthanas/ von den Kriechen Hilioron/ von den  
Lateinischen Verbenas/ das ist Eysenkraut. Aber  
diß kraut als die weysen sagēt/ so dz gesamlet wirt  
wan die son ist im zeichen des Widers im Hertze  
vnd bereit mit rosenkörner ein iars alt/ erlediget  
die den fallenden siechtagen haben von denen bö  
sen krankheiten. Vnd würt es also geleyt in ein  
feist erdrich/ über syben wochen darnach werden  
dar vß würmlin/ wölche so die yemant berürent  
oder stechent der stirbt gar bald. Vnd so das vor  
gesagt geleyt wirt in ein tauphaus/ alle taubē ver  
samlen sich da selbs. Ist aber sach das das puluer  
geleyt wirt an ein ort da die menschē wonēt. Oder  
dz es geworffen würt vnd zwey liebhabende men  
schen/ als bald würt ein krieg od übel vnd inen.  
¶ Das vierzehend kraut würt genant vō den cal  
daischē Celayos/ vō den Kriechē Carifni/ vō den  
Lateinischē Melisophilos/ dz ist taub od tod nes  
seln die mit den weysen blümlin/ vō wölchē kraut  
d meister ein red thut. Aber diß kraut so es gesam  
let würt also grün/ vñ bereit mit cypressē safft ein s



iars ale vnd gelegt in ein hauß/ macht dz es siche  
als wär es vol würm. Vñ den beytragendē macht  
es geneygt vñ gnadreych/ vñ sein wid parthey üb  
erwindē/ vñ so dz vorgesagt Krut gebundē wirt an  
eis rindes halß/ so volgt es dir nach wo du hin gaff

**¶** Das fünffzehend Krut heist bey den Caldayer  
Eglerisa/bey den Kriechen ysaphuus/ vonn den  
Lateinischen Rosa/das seind Rosen/vnnd ist ein  
Krut wölches blüm ist vast wol bekant. Nym sein  
Körner vnd senff Körner vnd einer wiseln füß/vnd  
hencks in das netz oder garn/so versamen sich die  
visch/vnd so Magaris tod würt oder stirbet/vnd  
dan gelegt in dise confection ein halbē tag/wiewol  
er nit gewässert würt so würt er doch wider leben  
dig. Vnd so das vorgesagt puluer gethon würt in  
ein ampel/vñ darnach angezündet/ so werden sie  
all schwarz sehē wie ein teüfel/vñ so dz puluer ver  
mischt wirt mit baumöle vñ mit lebendigē schwe  
bel/vñ bestreychest damit dz huß da die soñ schynē  
so sicht es alles als ob es wär entzündet vñ brant.

**¶** Das sechzehend Kraut würt genant von den  
Caldayer Cardulin/von den Kriechen Quinque  
folium/vonn den Lateinischen Serpentina/das  
ist Naterwurz. Dis Kraut ist bey vns genügsam  
bekant. Aber dis Kraut mit bletteren vonn cleeb  
graben/gebürt es rote schlangen vnd grüne/ von  
wölchen so ein puluer dar vß gemacht würt/vnd  
dan gethon in ein ampel die brennt/ so erscheint ein  
hauffē vol schlangē/vñ so du es vnder eins haupt  
legest/so getreümbt im nit mer.



¶ Aber die würckung aller diser vorgesagtz ding ist/das ein güt werck geschee in ein gürten planeten/vnd ein böses in ein bösen/das ist in den stunden vnd iren tagē. Die tugent der syben Kreüter nach des Keyfers Alexanders sage/vnnd aber diese tugent haben sie gehebt von dem ynfluß der planeten/es geschicht aber das ein yedes Kraut empfahe sein tugent von den obzisten natürlichen dingen.

¶ Das erst Kraut.

¶ Das erst Kraut ist aber Saturni wölches genant würt Affodillus/dz ist goltwurtz. Sein safft ist güt zu dem schmerzen der nieren vnnd schynbein/vnnd würt gegeben denen die da schmerzen leyden. Sein wurzel ein wenig kocht vnd die besessen menschen/oder melancolici solent das tragē in einem schönen tüchlin vnd so werden sie erlediget/wañ es leydet nit ein teüfel in dem hauß/vnd so da seind Kinder den die zen kōment od erst wachsent/die sollēt sie auch tragen/so kōment sie herfür on schmerzē. Vnd ist güt dz der mensch die nacht bey im trag die wurzel/wañ er würt sich nit fürchten/vnd würt auch nit geletzet von den andern.

¶ Das ander Kraut.

¶ Das ander Kraut ist der Sonnen/vnd würt genant Poligonia oder Corrigiola/das ist Wegtret. Diß Kraut den namen empfangē hat von d Sonnen/dañ es ist vast berhafftig/wañ also auch das Kraut ist machen vil Knöpff/sürwar das Kraut haben etlich genant Alcone/wölches ist dz hauß der Sonnen. Wañ diß Kraut heilt die passionen vnd leyden des hertzen vnd des magens/wer das Kraut anrürt der hat tugent von seinen zeichen/vnd vil

*Affodil.*



ander ding/ist aber dz yemant sein safft trinckt/so macht es in vast vnkeüsch/ vnd so yemant bey im treit sein wurzel/so heilt es den weetagē d̄ augen. Vnd so er dz ee dan̄ er einicherley schmerzen hat/ bey im treit/so überköp̄t er nit d̄ augē weetagē. es hilfft auch den freneticis so sie dz bey in tragen an den ortē/dz ist an d̄ brust. Es hilfft auch peripleu/monicis/vñ macht inē ein güttē athem/vnd thüt auch güts zū dē fluß des blüttes der frawen.

#### ¶ Das dritt Kraut.

¶ Das dritt Kraut ist des Mones/vnd heißt Chysnosbaton/dz ist hūds tribel ō cappres. Sein safft purgiert vñ reiniget die bitterkeit des magēs der hüffte vñ d̄ rippē/dan̄ sie sagen dz es sey dz Kraut des Mones. Aber sein blüm purgiert die grossen milz/vñ heilt sie/wan̄ sie wechßt vñ nympt ab wie d̄ Mon/es ist güt zū den augē geschwern/vñ machet ein scharpff gesicht/vnd ist güt wider dz blüt d̄ augē. So du sein wurzel gestossen legest vff die augē so macht es das gesicht wunderlichē clar vñ lauter/dan̄ das liecht der augen würt vergleychet d̄ verborgnē substanz des Mones. Es ist auch gütt die ein bösen magē habēt/der da nit mag die speyß tauwen/so man sein safft trinckt. Weyter mer ist es güt die da scrophulas haben/das ist triesen.

#### ¶ Das vierd Kraut.

¶ Das vierd Kraut ist Martis/würt geheissen Arnoglossa/das ist Wegerich. Die wurzel diß Krautes ist güt zū dem schmerzen des haupts wunderbarlichen/dan̄ der Wider würt geachtet das er sey das hauß Martis der da das haupt ist der gantzē welt. Es ist auch güt wider die bösen gewonheitē



der hoden/ vnd für die feülen vnd stinckenden eys-  
sen/ wann sein hauß ist der Scorpion/ dann sein  
heil behalt sperma/ das ist die natur vnnnd samen  
der da kompt wider die testiculos vnd hoden/ vnd  
Emoptoicis/ denen die blüt speüwen. Vnd ist güt  
zú den schaden Emoroidarum/ das ist des magen  
weetagen/ so man in trincket.

¶ Das fünfft Kraut.

¶ Das fünfft Kraut Mercurij/ heist Pēthasilon/  
von etlichē Penthadactilus/ vō den andern zúm  
dickern mal Sedinan/ von etlichen Calipentalo/  
vnd ist fünff finger Kraut. Die wurtzel diß Krauts  
heilt die plagen vnd hertigkeiten/ gestossen vñ ge-  
pflastert. Weyter mer thüt es ab Scrophulas/ die  
trüsen gar behend/ so sein safft getrunckē wirt mit  
wasser. Es heilt auch Faringos/ vnd die schmerzē  
der brust oder die weetagen/ so sein safft getrunckē  
würrt. Es erlediget auch der zen weetagen/ vnd so  
sein safft in dem mund gehalten würrt/ so heilt er als  
les leyden vnd schmerzen des mundes. Vnd so dz  
yemant bey im treit/ so gibt es rat vnd hilff. Wey-  
ter mer/ ob yemant wil von ein Künig oder Für-  
sten etwas bitten vnd begeren/ so gibt es vil wolre-  
dens so sie das bey in habē vñ erlangt was er wil.  
Es kompt auch wol in Lintiasis/ vnd Dissuria/  
der roten rür/ sein safft getruncken.

¶ Das sechst Kraut.

¶ Das sechst Kraut Jupiters/ wirt genant Archa-  
roma oder Agrimonia/ das ist Odermenig. Auch  
vonn etlichen Jusquiamus. Sein wurtzel geleyt  
über die bubones/ das ist über die schlierē/ vertrey-  
bet sie vnnnd behaltet die statt vor eytern. So das



yemant treyt ee das in der schmerzē ankempt/ so  
würrt er nymer den bubonē haben die schlier. Sein  
wurtzel ist auch güt zū dem podagra/so die gestoß  
sen vff das ort des schmerzē geleyt würrt/im zei  
chen die die füß inhaltē/oder die ein aspect haben  
zū den füßen. Vñ sein safft so der getrunckē würrt  
mit mellicrato/so ist er güt zū dem schmerzē der  
lebern vnd allem irem weetagē/dan Jupiter hal  
tet in die leber. Vnd ist güt das die da wöllent lieb  
gehabt werdē vō den frawē dz bey in tragē/dan es  
macht die tragendē frölich vñ lüftig wolgefallen.

¶ Das sybend kraut.

¶ Das sybend kraut Veneris/ würrt genant Pi  
stereon/ von etlichē Hieroboran/herba columba  
ria vnd verbena/das ist Eysenkraut. Die wurtz  
el diß krauts geleyt vff dē halß heilt Scrophulas  
parroidas/ vnd die schlieren oder geschwern des  
halßes/vnd Staphilion vrine/die harnwinde/dz  
tropffen vñ nit mögen/so man es vff legt in pfla  
sters weyß/vnd würrt vergleychet dem schmerzē  
der statt. Es heilt auch fungas/das ist die schruu  
den/vnnd Condilomata/das ist die hertigkeit die  
da wechßt im leybloch/vnnd die seygwargen. So  
sei safft mit honig in wasser gekocht würrt getrun  
cken/so macht es subreyl vnd rein die ding die da  
in der lungen seind/vnd macht ein gütten athem  
wann es verhalt die lung. Es ist auch vast güt in  
Afrodisia/das ist in der vnkeüsheit/wan sein safft  
meret gar vast sperma den natürlichenn samen.  
Vnnd die grösser tugent diß krauts ist/so yemant  
das treyt so ist er vast mechtig in coitu/aber doch  
sol er sunst nit haben dann allein diß kraut. So



yemāt dz legt in dz hauß od weinrebē/gartē od vff  
das feld/so würt er überflüssig gulden habē. Wey  
ter mer/sein wurzel ist allen den gūtt die da wōln  
lent pflanzen vnd bauwen die reben/ vnd baum/  
vnd die iungen kind die das bey in tragent/ wer//  
den wol gezogen vnd liebhaben die kunst/ sie wer//  
den frōlich vnd lüftig. Es ist auch gūt gethon in  
die purgationes/vnd vertreybt alle böse geist.

¶ Aber doch dise vorgesagten Kreüter solt du von  
dē. xxij. tag des Mones biß zū dem. xxx. anfahē  
zū samlen vñ grabē anhebē von Mercurio durch  
die gantzen stund destags/ vnd in im vßziehen.  
So nenne den schmerzen des dings vnd namen  
der krankheit/oder das ding/ darumb du es dan  
vßgrabest/vnd nym dan das kraut/aber doch lege  
es vff die frucht oder schmire/ vnd brauch es dan  
darnach zū deinem werck.

¶ Das ander büch Alberti/vnd ist von  
den tugenten etlicher edlen gstein.

**S**eytmal yetz gesagt ist von den tugent  
ten etlicher Kreüter/vnd von der weyß  
das zū brauchen vnd würcken. So ist  
yetz in disem gegenwürtigen capitel zū  
sagen fürbasser von etlichen edlen gsteinen vnd  
von irer würckung/ vnd wie man vernemen sol  
die werck der wunderlichen ding.

¶ Hienach stont verzeichnet die edel ge//  
stein/dauon hernach diß büchlin sagt.

C



Magnes	Corallus	Radianus
Obralmius	Cristallus	Liperius
Onix	Crisolitus	Duces
Prependanus	Plitropius	Lazuli
Siloytes	Epistrites	Smaragdus
Topazion	Calcedonius	Iris
Medo	Celidonius	Galasia
Memphites	Gagates	Galiates
Albeston	Gena	Draconites
Adamas	Istmos	Echites
Agathes	Tabites	Epistrites
Allectorius	Crisolitus	Jacinctus
Esmondus	Geratytes	Orithes
Ametistus	Nicomai	Saphirus
Berillus	Quirini	Sannis
Celonites		

¶ Der stein Magnes.

¶ Wilt du wissen ob dein fraw keüsch sey vñ rein/  
So nym den stein der da Magnes genant würt/  
aber er ist eyser far/vnd würt gefunden in dē indi-  
schen mör/vñ etwan in Teütschē land/in dē land  
das Francken genant würt. Darüb so leg den vn-  
der das haupt der frawē/vnd ist sie keüsch/so würt  
sie vmbfahen den man/ist sie aber vnrein/so salt  
sie als bald vom beth. Aber noch mer/so diser stein  
gelegt würt vff die Kolen in den vier wincklen des  
hauses/sprich ich gestossen vñ vff die Kolen gesprei-  
tet/so flichē die da schlaffen vß dē hauß/vñ verlas-  
sent alles dz hind inē/dz sie dan bey in habē.

¶ Der stein Obralmius.

¶ Wilt du werden vn sichtbar. So nym den stein  
der da genant würt Obralmius/vñ verwickel den



in ein Lorber blat. Vnd er würt genant Lapis  
obthalmus/ wölches farb nit genant würt/ wann  
er ist vilerley farben. Vnd er ist solicher tugent/  
das er das gesicht der vmbstonden menschen ver-  
blendet od hin weg treyt. Vñ darüb würt er genat  
der mörder knecht. Aber Constantinus in beschloß/  
ner hand ward durch in vnsichtbarlich gemacht.

¶ Der stein Onix.

¶ Wilt du machē vñ zürichtē traurigkeit/ forcht  
vñ erschröckliche fantasey vñ krieg. So nym den  
stein d̄ genant würt Onix/ vñ ist schwarz far/ vñ  
sein best geschlecht ist erfüllt mit weyße adern/ vñ  
köpt vō India in Arabien. Vñ so diß an den halß  
od finger gehēckt würt/ so erweckt er als bald trau-  
rigkeit in dem mensche vnd forcht. Vnd auch im  
schlaff macht er grausamliche fatasay. Auch krieg  
vñ dz ist von den neüwē Philosophis erfahren.

¶ Der stein Kripendanus.

¶ Wilt du yemants hand brēnen on feirr/ vñ auch  
vertreybñ arteticā. So nym den stein der genant  
würt Kripēdanus/ d̄ da ist blawfar/ wölcher stein  
so der an eins halß gehenckt würt/ heilt er arteticā  
Vnd aber so diser stein herrigklich getruckt würe  
so brent er als bald die hand/ darüb so wil er leyche-  
lich vnd senffrigklich angegriffen werden.

¶ Der stein Siloytes.

¶ Wilt du yemants gemüt entzündē zū freudē/ vñ  
sein vernüfft vñ ingenü scherpfen. So nym den  
stein d̄ da Siloytes genant wirt/ vñ wachst in der  
schosß d̄ indischē schneckē/ vñ wirt gesagt dz er mā-  
gerley farb hat/ weyß vñ rot purpur far. die and̄n  
sagent dz er grün sey/ vnd in dem land Persia gen-



funde werd. Vnd saget auch dz diser stein wachs  
vnd zuneme so der Mon wachst vnd herwiderub  
Vñt hünd mer darzü die altē Philosophi dz/so di  
ser stein vsücht wirt/ so gibt er vor wisseheit etlich  
er künffriger ding/ so er vnder die zung geleyt wirt  
vor vs am ersten tag des Mones ein stund allein  
hat er dise tugent. Aber darumb so der Mon ist zeh  
hen tågig/ so hat er dise tugent auch in der ersten  
oder zehenden stund/ aber die weyß vn weg der ord  
nung ist also so er ist vnder der zungen/ so man ge  
denckt von etlichem geschäft vnd handel/ ob das  
geschehen sol oder nit/ sol es sein vnd geschehen/ so  
legt es sich hertiglich an dz hertz als dz es nit dar  
von bracht werdē mag. Sol es aber nit sein/ so felt  
es vō dem hertzen. Auch haben die Philosophi ge  
macht das es hilfft Prysicos/ die keychende vñd  
schwachen mensche. Marsilius ficinus im drit  
ten büch des lebens/ heist in Selinitim.

¶ Der stein Topazion.

¶ Wilt du das dz siedē heiß wasser als bald vffer  
lauff so du die hand daryn thust. So nym dē stein  
der da Topazion wirt genant/ vō der insel Topa  
sis/ oder darumb das er dem gold gleych ist. Vñd  
ist sein zweyerley. Eins ist ganz dem gleych/ vñd  
das ist der best vñd kostbarlichst. Der ander ist  
gelfar/ mer dickter oder vsgeteylter farb wann das  
gold ist/ vñd das ist der schlechtest vñd vnachtbar  
lichst/ aber es ist erfarn bey vnsern zeyten/ das so er  
gethon wirt in ein siedē heiß wasser/ so macht  
er es überlauffen/ also dz er als bald wider trucken  
her vffer genomen werdē mag. Vñ das hat einer  
vs vnsern brüdern zu Paryß gethon. Er ist auch



güt wider das blüt speüwen/ vnd Scimatica od  
Lunatica/das ist wider die mōnige Kranckheit.

¶ Der stein Medo.

¶ Wilt du abschelen die haut deiner hand od eins  
andern/so nym den stein der da genant würt Medo  
do/von dem land der Medeier. Vnd sein ist zwey//  
erley schwarz vnd grün. Es würt gesagt vō den  
alten Philosophis vnd von den neüwen/das diser  
stein der schwarz ist so der gebrochen würt/ vñ in  
heissem warmen wasser zergangen/vnd dan ein er  
sein hend darinn wäschet/so würt im als bald die  
haut abfallen. Vnd ist es sach dz yemant dar vß  
trinckt/ß vdirbe in bewegüg als bald on alle sorg/  
hilff vnd kunst. Auch sagēt die Philosophi das er  
güt sey wid dz podagra/vnd blindheit der augen/  
vnd das er die Krancken blöden augen erquickē.

¶ Der stein Memphites.

¶ Wilt du dz einer nit empfind schmerzē od dz er  
nit gepeiniget werd. So nym den stein ð da genāt  
würt Memphites von ð statt die da genant wirt  
Memphis/vñ ist diser stein sollicher tugēt/ als da  
spricht Aaron vñ Hermes/dz so er gestossen würt  
vnd vnder wasser gemischeret/ vnd dan gegeben dē  
der da gebrant sol werden oder sunst ein schmerzē  
leydē/so bringt diser trinck ein solliche vnentpsint  
lichkeit/dz der der da leydet nit empfindet die pein  
oder weetagen die man im anthüt.

¶ Der stein Albeston.

¶ Wilt du machē ein ewig vñ vnerleschlich liecht  
So nym den stein der da genant würt Albeston/  
vnd der ist eysen far/vnd würt vast vil in Arabia  
funden. Wann so diser stein würt angezündet/ so

C ij



mager nymmer erleschet werden/ darumb das er  
hatt die natur der wiechen die da genant werden  
des Salmāders gefider/ mit ein wenig feüchter  
fettigkeit feist/ die da vnscheidlich ist von im/ vnd  
das selb erfert das angezündt feür in im.

Der stein Adamas.

¶ Wilt du überwindē die feind. So nym dē stein  
der da genant würt Adamas/ vnd ist einer durch//  
scheinigen farb vast hert/ also das er nit mag ge//  
brochen werden/ dan allein mit bocks blüt. Vnd  
wechset in Arabia oder Cypem. Vnd so er gebun//  
den würt an die linckē achsel oð seytē/ so ist er gütt  
wid die feind vñ vnsinigkeit/ vñ wider die wilden  
vngeszemprē thierer/ vñ wider gift vñ anlauff der  
fantaseyen/ vñ etlich heissent in ein Dyamanten.

¶ Der stein Agathes.

¶ Wilt du vertreyben alle schaden/ vnd überwin//  
den alle irdische ding/ vnd habē kreffte des hertzes.  
So nym den stein d da Agathes genant würt/ vñ  
er ist schwarz vnd hat weyß adern. Noch ist ein  
anderer auch der gestalt geleych der weyssen farb.  
Vnd das dritt geschlecht wechset in d insulē Cre//  
ta der hat schwarz adern/ vnd d selb macht über//  
winden schaden/ vnd verleycht krefften dē hertzen  
vnd macht ein gewaltigen menschen/ wolgefellig  
vnd liebgehabt von yederman/ auch frölich/ vnd  
hilfft wider die widerwertigen sachen zc.

¶ Der stein Allectorius.

¶ Wilt du etwas bittē vñ erlangē vō yemāt. So  
nym den stein der da Allectorius genant würt/ vñ  
ist der hanen stein/ vnd ist weyß durchscheinend  
als d Cristall/ vñ würt vßgezogen von des hanes



bauch oder des Kappē/nach dē im verschnitten ist/  
über dz vierd iar. Vnd als etlich sagēt so würt er  
über ein iar vßgenōmen/vñ d̄ best ist d̄ da vßgenō  
men würt von einē v:alten han/ vnd der einer bo  
nen groß ist/erweckt die Veneren vnd macht einē  
angenen vñ stantthafftig. Vnd so man in vnder  
die zungen nympt/so erlechet er den durst/vñ diß  
letst ist bey vnsern zeyten erfarn worden/vnnd ich  
selb hab das subteylichen empfunden.

¶ Der stein Esmondus.

¶ Wilt du überwinden die wilden thierer vnd be  
stias/vnd alle trōum vßlegen/vnd von zükünff  
tigen dingen weyßsagē. So nym den stein der Es  
mondus genant würt oder Asmady/der ist man  
gerley farb/vnd verlechet alles gifft/vnd macht  
überwinden die feynd vñ widerwertigen mensche/  
vnd gibt weyßsagung vnd vßlegung aller trōum  
vnd macht die räterschen verston.

¶ Der stein Ametistus.

¶ Wilt du habē ein güte verstēnūß in den sinnē  
vñ magst mit voll werdē. So nym den stein der da  
Ametistus genant würt/vñ er ist rot purpur far/  
vñ der best wechß in India. Vñ ist güte wider die  
füllerey/vñ gibt güte verstentnūß in den wissent  
lichen künsten oder in den speysen genützet.

¶ Der stein Berillus.

¶ Wiltu überwindē die feynd vñ vertreybē Krieg.  
So nym den stein der da Berillus genant würt  
vnd er ist bleichfar/eins durchscheinenden liechts  
als eyßzapffen. Trag in bey dir so liberwindest du  
alle Krieg/vnd vertreybest die feynd/vnd er macht  
dir dein feynd milt/vnnd macht ein in den sitten



vnd tugenten wol möglich/ vnd gibt gewalt als  
Aaron sagt. Vnd gibt auch gut verstantniß in  
den wissentlichen Künsten/in der speysen genützet.

**¶ Der stein Celonites.**

**¶** Wilt du weyffagen von Künfftigē dingen. So  
nym den stein der da Celonites genant würt. Vñ  
der ist rotpurpur far vnd mancherley farb/vnd er  
würt gefundē in dem corporo od hertze des schneckē  
Ist aber sach dz yemant disen stein vnder d zungē  
treyt/der würt weyffagen vnd Künfftige ding ver  
künden. Aber doch hatt er nit krafft dan allein in  
erstē tag des neüwē mons so sie entzündet wirt vñ  
so sie wachst/ vñ ist in dē letzten absteygē. Also wil  
Aaron von den kreüttern vnd edelgesteinen.

**¶ Der stein Corallus.**

**¶** Wilt du fridsam machen vnd stillen vngewit//  
ter vñ über das wasser gon. So nym den stein der  
da genant würt Corallus/ vnd einer ist rot vñ der  
ander weyß/vnd es ist erfarn das er als bald das  
blüt verstellēt. Vnd vertreybt dem beytragenden  
dienarheit/ vnd verleycht weyßheit/ vñnd das ist  
von etlichen bey vnsern zeyten erfaren worden/vñ  
ist gut wider das vngewitter vñ schadē d wasser.

**¶ Der stein Cristall.**

**¶** Wilt du anzünden ein feüre. So nym ein Cri//  
stall vnd leg den vffer dem zirckel der Sonnen/dz  
ist wider die sonne/vnd leg darzū etwas dz leycht//  
lichbrennet/ vnd als bald so die soñ scheint heiß/  
so zeücht er das feür her vß vnd zündet den zun//  
del an oder das puluer/vñnd so man den stein mit  
honig trucket so gibt er milch.

**¶ Der stein Crisolitus.**



¶ Wilt du überkominen weyßheit vñnd vertreyben  
nartheit. So nym den stein d̄ da genant wirt Cri  
solitus. Vñd er ist einer claren durchscheinenden  
grüne. So der gefaßt würt in gold/so vertreybt er  
die narzey vñd verleyhet die weyßheit.

¶ Der stein Helitropia.

¶ Wilt du dz die son̄ schein blüt far. So nym den  
stein der da Helitropia genant würt. Vñd er ist  
grün als wär er gleych dem Smaragd/ vñd er ist  
gesprengt mit blüt faren tröpflin. Disen nennent  
sie Helitropiā die Nigromantici mit dem rechtē  
namen Gemmā babilonicā. Wölcher stein so der  
bestrichē würt mit dem safft des krauts das auch  
also genant wirt Helitropia/vñ dan̄ gethon wirt  
in ein geschirz vol wassers das macht das die son̄  
gesehen würt blüt far/als ob man Ecclipsim sehe.  
Wölches vrsach ist/das er dz gantz wasser macht  
übersich vßlauffē in eī nebel/wölcher sich zū dick  
ern den lufft verhindert die son̄ dz man sie nit sieht  
dan̄ allein als wär sie rot in dicker farb/kurtz dar  
nach so vergat d̄ nebel tröpflins weyß fallēde als  
der thaw/eben als reget es. Aber es ist not vñd ge  
hört darzū so das geschee/das da sey ein heiliger se  
gen mit etlichen Charactern. Vñnd als ich ver  
standen hab so weyßsagent die Fürsten also etwas  
künstigs. Darumb so habent die bischoff d̄ heidn  
ischen tēpel aller meist sich diß steines gebraucht  
in der abgötter fest. Vñd auch so er bey im getra  
gen würt/so macht er den menschen eins gürtē rü  
mes/vñd das man vil vff in haltet/vñd behalt in  
gesund vñd eins langen lebens. Aber es sagent die  
alten Philosophi/das diser stein so der bestrichen

D



würt mit dem Kraut seines names/ als vor gesagt  
ist/ so ist er vol tugent/ vnd würt sein vil funden in  
Ethiopia/ Cypem vnd in India.

21  
¶ Der stein Epistrites.

55  
¶ Wilt du wider erkalten dz siedemig heiß wasser  
das ob dem feur stat. So nym den stein d da Epi-  
strites genät würt/ wölcher stein im wasser gesetzt  
gegen der sonnen schein/ so macht er vnd laßt vß  
die streme der sonen ganz feurig. Vnd es wirt ge-  
sagt von den alten Philosophis vnd auch von den  
neüwen/ so er gelegt würt in siedem heiß wasser/ so  
hört als bald das siedē vß/ vñ über ein kleine weyl  
darnach wirt das wasser wider kalt/ vnd es ist ein  
zwizender vnd durchsichtiger rotfarber stein.

22  
¶ Der stein Calcedonius.

73  
¶ Wiltu empfliehē alle betreügknüß vñ fantasey  
vñ alle sachē überwindē/ so nym den stein d Calce-  
donius genant wirt/ vñ er ist bleich braun dunckel  
vñ ein wenig finster. So er durchstochē od gelöch-  
ert würt/ vñ mit d tugent od krafft des steins d da  
Siuerip genant wirt/ gehenckt an den halß/ so ist  
er güt wider alle fantasterey vñ betreügknüß/ vñ  
macht überwinden alle sachen vnd handel wider  
die feynd/ vñ behalt die tugent vñ krafft des leybs.  
Vnd das letst ist versücht bey vnsern zeyten.

¶ Der stein Celidonius.

¶ Wiltu genem sein vñ wolgefalle den leütē. So  
nym den stein d Celidonius genät wirt/ vñ seiner  
ley ist schwarz vñ rot/ vñ er wirt vßgezogē vō der  
schwalbē bauch. Der rot stein gewickelt in ein lynē  
tüch od in ein kelberin leder vnd der linckē achsel  
getragen/ so ist er güt wid die vn Sinnigkeit vñ alte



Francckheitē vñ weetage. Wider die Francckheit die man nennet die schlaffucht. Euax sagt/ das diser stein den menschen macht wolreden vñ genem od wolgefalle allen leuten. Aber der schwarz ist gutt wider die grossen zorn/ vnd furt einen zu dem end seins angefangē wercks. Vnd so er gewürckt wirt in bletter vō schelkraut/ so wirt er gesagt dz er dz gesicht verblende. Vnd sie solent her vß gezogen werden in dē Augstmonat/ so als gewonlich zwen in einē schwalben diser stein gefunden werden.

¶ Der stein Hagates.

¶ Wilt du sighafft vnd vnüberwintlich sein wid dein feynd obligē. So nym den stein der Hagates genant wirt/ vñ er ist mangerley farb. Vnd es sagent die alten Philosophi/ das bewert sey vñ erfahren in dē fürstē Aludes/ wölcher herz so lang er in getragē hat an im/ so hat er allweg sig gehebt vnd gewunnē/ vnd es ist ein stein mit vilerley farb/ als das felle oder die haut eins rechböcklins.

¶ Der stein Gena.

¶ Wiltu vorwissen künfftige ding. So nym den stein d Gena genant wirt/ wölcher ist ebē als ei zan vō einē wildē thier/ vñ leg den stein vnd dein zung/ vñ als Aaron vñ die altē philosophi sagēt so lang du in also habest so vorsagst du alweg künfftige ding/ vñ irrest nit i einicherley weg an dē wyssagē.

¶ Der stein Istmos.

¶ Wilt du machen ein cleid das vnuerbrinlich ist vñ das sich nit laßt verbrēnen. So nym den stein der Istmos genant wirt/ wölcher stein als Isidorus sagt ist gleych dem saffran/ vnd er wirt funden in der gegend Hispanie/ vnd diser stein ist sa

D ij



selecht vmb der ventositet willen die in im ist lüch  
wan oder cytler worden/ bey den seülen Herculis  
gades genant wachst er/ vnd so von im gemacht  
würt ein cleid/ das mag in keinerley weg verbrent  
werdē/ sund vō dē feür so scheint vñ gleset es/ vñ  
derēley sprechēt etlich dz da sey d̄ weyß carfunckel.

¶ Der stein Tabrites.

¶ Wiltu haben gnad vñ eer/ so nym den stein d̄ da  
Tabrites genāt wirt/ vñ er ist gleych dē cristall. vō  
dē sprechēt die altē philosophi/ als Quay vñ Aarō  
dz er geb wolredē/ gnad vñ eer/ lob vnd gunst/ vnd  
darzū sagt man/ dz er heile alle wasser sücht.

¶ Der stein Crisolitus.

¶ Wiltu vertreybē die fantaseyen vñ narrey. So  
nym den stein d̄ da Crisolitus genāt wirt vñ eben  
an d̄ rugēt als d̄ artemicus nach d̄ sag Quay vñ  
Aaron in dē büch vō d̄ natur d̄ kreüter vñ edel gen  
stein. So er in gold gefast wirt vñ getragē/ so ver  
trybt er die narrey vñ fanta sey/ vñ wirt auch gesagt  
dz er weyßheit vleyhe/ vñ er ist güt wid̄ die forcht.

¶ Der stein Geratytes.

¶ Wiltu vireylē die meynüg vñ dz gedencke d̄ an  
dern mensche. So nym den stein d̄ da Geratytes  
genant wirt/ vñ er ist schwarzer farb/ vñ so er im  
mund gehaltē würt/ so thüt er sollichs wie obstat.  
Er macht auch den d̄ in bey im treyt frölich vñ ge  
nadreych bey allē mensche die vmb in wonen.

¶ Der stein Nicomai.

¶ Wilt du haben sig vnd überwintnüss od̄ freunt  
schaft. So nym den stein der da Nicomai genant  
wirt/ vñ er ist schier gleych dē Alabaster/ vñ ist vō  
dē geschlecht d̄ marmelstein/ vñ ist weyßscheinend



Vnd vō dē stein werdē auch salbē zū den todtē gen  
macht/disē stein trag by dir/so geschicht es on zwysel.

¶ Der stein Quirini.

¶ Wilt du dz dir ein mēsch im schlaff sag was er  
gethon hat. So nym den stein d̄ Quirini genant  
würt/vñ diser stein würt gefundē in des Widhopf  
fen vogels neste. Vnd diser stein ist verräter stein/  
wan̄ so du in legst vnder des schlaffenden mensche  
haupt/so sagt er dir alles das er heimlich hat.

¶ Der stein Radianus.

¶ Wilt du etwas von yemant bittē vnd erlangē  
So nym mitt dir den stein d̄ da Radianus genant  
würt. Vnd er ist schwarzfar durchsichtig/wöl  
cher stein würt gefunden so der hanen kopff geben  
würt zū essen den omeissen. Nach langer zeyt dar  
nach würt er funden in des hanes kopff. Vnd er  
ist eben als der stein Tonandes.

¶ Der stein Liperius.

¶ Wilt du machē dz die hund oder iäger nit mō  
gen schadē einē thiere dz geiagt würt. So leg für  
es den stein d̄ da Liperius heist/vnd als bald das  
selb thier laufft/so laufft es gegē dē stein. Wan̄ di  
ser stein würt gefunden in dem land Libia. Vnd  
alle thierer lauffen zū dem stein gleych als zū irem  
beschirmer. Wan̄ er verhütet sie/das in die hund  
oder iäger nit schaden bringen mögent.

¶ Der stein Drices.

¶ Wilt du yemants handt brennen on feüre. So  
nym den stein der da genant würt Drices od̄ Dri  
ces den wir vorgesagt haben ein Fürsten Apij dz  
ist des feüres/wan̄ er ist als das feür/disen stein so  
den yemant hertigklich streycht oder angreyfft/so

D iij



breñt er die handt als ob sie mit ein rechten feür  
gebzant wüerde/das ein wunder ist.

3 4  
¶ Der stein Lapis lazuli/das ist lazur stein.  
¶ Wiltu vertrybē vñ heilē die Melācoly in yemāt  
od quarranā/den viertägigē rittē/ so nym dē stein  
8  
8 da lapis lazuli genāt wirt/wañ er wirt verglycht  
8  
3 5  
8 hymelischē blawē farb/ vñ seind inwendig in int  
gele güldin düpflin. vñ es ist gewiß vñ erfare/das  
er vertreybt die Melācoly vñ dz sieber quarranā.

¶ Der stein Smaragdus.

¶ Wilt du yemandes vernunfft vñnd ingenium  
scherpffen/oder sein güt meren/vñ auch künfftige  
ding vorsagen. So nym den stein der Smarag/  
dus heißt/vñd er ist vast subtreyl vñd rein/durch/  
sichtig/clar. Vñd der blawfar ist/der ist der best/  
vñd er würt geholet vß 8 Greysen neste/er sterckt  
vñd behalt die natur/vñ so man in bey im treit so  
macht er den mēschē wol verstō/vñ gibt ein güte  
gedächtniß/er mert dz güt des tragendē/vñ so dē  
yemāt vñd sein züg legt/ 8 wirt als bald wyssagē.

3 6  
¶ Der stein Iris.

¶ Wilt du machen das der regenbogen erscheine.  
So nym den stein/der da Iris heißt/vñ er ist weyß  
gleych wie 8 Cristallviereckig od hat hörner vñd  
spitzen/so diser stein gelegt würt in den strom der  
sonnē/als bald vō dē widerschein macht er erschei  
nen den regenbogē an der wand od an der maurē.

77  
¶ Der stein Galasia.

¶ Wilt du habenn ein stein der nymer heiß würt.  
So nym den stein der Galasia heißt/vñd er ist ge/  
stalt in der figur wie ein donder ay oder hagelstein  
vñd die farb vñd hertigkeit eins Adamast. So di



fer stein gelegt würt inn ein starck feür/ so würt er  
nymmer warm/ vnd des vrsach ist/ wañ er hat sein  
poros vnd luffelöchlin also zúsamē gehefft/ das  
die hitz nit mag daryn kómen in dz corpus des stei-  
nes. Auch spricht Alaron vñ Luay/ das diser stein  
getragen miltert vnd versónt den zorn vnkeüsch  
heit/ vnd andere heisse krankheiten.

¶ Der stein Galiates.

¶ Wilt du wissen ob dein haußfraw schlaff bey ye-  
mant über den eeman. So nym den stein Galia-  
tes also genant/ wólcher ist gleych dē Agstein Can-  
cabre genant/ vnd würt funden in Libia vnd Bri-  
tania/ vnd er ist zweyerley farb. Das ist schwarz  
vñ gelb saffran far. Er würt auch grünfar fundē  
ziehende vff die bleichfarb. Er vertreybt die was-  
sersucht/ vnd die vßfallende zen bestätiget er. Vñ  
es spricht Auicēna/ das so diser stein gestossen wirt  
vnd abgewaschen/ vnd danñ das man abwäscht/  
so das geben würt einer frawen zú trincken/ ist sie  
danñ kein iunckfraw so bebrunget sie sich/ ist sie ab-  
er ein iunckfraw/ so geschicht es nit.

¶ Der stein Draconites.

¶ Wiltu überwindē dein feynd/ so nym den stein d-  
da Draconites genant wirt/ vō des trachē haupt.  
Vñ so er vßgenómen wirt vō im die weyl er lebt/ so  
ist er güt wid alle gifft/ vñ d in treyt bey im/ an od  
vnder dē linckē arm/ d überwindet alle seine feynd.

¶ Der stein Echites.

¶ Wiltu liebe machē zwyschē zwey mensche. So  
nym den stein der Echites genant würt/ vñ vō et-  
lichē wirt er genant Aquileus/ wañ die adler legēt  
den in ir nester. Er ist rotpurpurfar/ vñ wirt fun-

D iij



den bey des grossen möres staden/vnd vnder weyn  
len in persia. Vnd er hat in im allweg ein andern  
stein der da in im thonet/wan man in beweger od  
schüttelt. Es würt gesagt von den alten Philoso  
phis/das diser stein ghenckt an den lincken arm/  
versonet vnd bringt lieb zwyschen man vnd weyb.  
Ist gut den schwangern frawen. Verhindert die  
todre geburt/vnd mindret den schaden des erschre  
ckens/vnd würt gesagt das er gutt sey den fallen  
den menschen. Vnd als da sagen die Caldayer ist  
sach das in der speyß gift ist/vnd dann diser stein  
würt indie speyß gelegt/so verhütet er das die selb  
speyß nit mag verschlucket werden/vnd so er wid  
dar vß gethon wirt/so mag sie als bald verschluckt  
werden. Vnd disserst hab ich mercklichen gesehn  
versüchen von einem vß vnsern brüdern.

¶ Der stein Epistrites.

¶ Wilt du machen das ein mensch sicher sey. So  
nym den stein der Epistrites genant würt/der würt  
geschaffen im möz/er ist zwizern vnd rotfar/vnd  
man list im büch Alcorath vō im/das er den men  
schen sicher macht der in vornen am hertzen treyt  
Vnnd stillt alle vffrür die sich mögen erheben.  
Auch so würt gesagt das er stille die hewschrecken  
vōgel/nebel/hagel/vngewitter vnd donder vō den  
früchten der erde. Vnd es ist erfahren von den neu  
wen Philosophis vnd von etliche vnsern brüdern  
Das so er gelegt würt wider der sonnen strom/so  
laßt er feurende ström vß im. Item meer so diser  
stein gelegt würt in sieden heiß wasser/so hört als  
bald das sieden auff/vnnd über kurz darnach so  
würt es wider kalt.



**¶ Der stein Jacinctus.**

¶ Wilt du das die bilger sicher wandern auff der  
strass. So nym den stein den man Jacinctū nen//  
net. Er hat vilerley farb/ aber der grün ist der bes//  
ser/ vnd hat rot adern/ vñ wil in sylber gesetzt sein.  
Vnd man list in etlichen schrifften das sein zwey  
erley ist. Einer wasserfar/ der ander zeücht vff die  
Saphir. Der wässerig ist blawfar mitt weyssem  
vermengt/ aber der Saphirisch ist blawfar vast  
durchsichtig/ vnd hat kein wasser dunckle in im/  
vnd das ist der best. Vnd von disem ist geschribn  
in der Philosophorum geschrifften/ das so der am  
finger oder halß getragē würt/ so macht er die bil  
ger vnd wandler sicher vnd genem den wirten vñ  
gesten. Vnd er bringt den schlaff widerumb durch  
seiner kelte willen. Vnd das hat eygentlich vñ be//  
sunder der Saphirisch Jacinctus an im 2c.

**¶ Der stein Dithes.**

¶ Wilt du behaltē vñ verwart sein von mengers  
ley zufall vñ vor bösen giftigē bitten. So nym de  
stein d Dithes genāt ist. Des sind dreyerley. Einer  
ist grün/ der ander schwarzfar/ d dritt ist an einē  
end gangrauch/ vñ am andern glat/ vñ sein farb  
ist gleych einer eysen lamel/ aber d grün hat weysse  
flecken. Diser stein getragē bey im behüt vor viler  
ley zufell vnd schaden des todes.

**¶ Der stein Saphirus.**

¶ Wilt du Friden machen vnd die leüt vereinigē.  
so nym den stein der Saphirus genant wirt/ d da  
kompt von Orient in Indier land. Vnd der blaw  
far ist d best der da nit so gar clar durchsichtig ist.  
Er schafft Friden vñnd lautre reine einhelligkeit/

D v



vñ macht ein andächtige sel zū gott/ er bestätiget  
dz gemüt in güttē werckē/ vñ macht den menschen  
wider erkalten von seiner innern ynbrünstigkeit.

44

¶ Der stein Samnis.

¶ Wiltu den schwindel vertreybē des hauptes/ so  
nym den stein dā Samnis genant wirt vō d in  
sel samia/ er beuestiget dz gemüt seins beytragers  
so er an d geberendē frauē hand gebundē wirt/ so  
verhindert er die geburt/ vñ behalt sie im leyb/ dar  
umb wirt verbottē in einer sollichē sach das diser  
stein zū keiner frauen kom̄ oder sie berüre.

¶ In dem büch Mineraliū im Aaron vnd Quay  
da findest du vil der gleychē andre ding. Aber der  
weg zū würcken in disen dingē/ stat in dem allein  
ist güt zū einem güten vßgang vnd werck der der  
die stein bey im treyt/ sey rein vnd keüsch vor aller  
befleckūg vnd vnreinigkeit des leybs/ als da seind  
die todsünden vor vß vnkeüsheit.

¶ Diß sey genūg von den  
edelen gestein en gesagt.

¶ Isidorus ist auch sagen/ das Lunaca das thier  
ist gleych einem schnecken/ hab in seinem kopff ein  
stein vol aller tugent/ vñ er ist weyßfar/ disen stein  
wer in stoßt/ vñnd gibt in denen die die harnwind  
haben vñnd nit brunzen mögent/ so entlediget er  
den harn gantz volkōmen. Item er nympt hin dz  
weyß der augē tropffen. Item so in ein schwanger  
frau bey ir treyt/ so verleüret sie nit vñ kompt nit  
vmb ir frucht. Itē der thierlin fleisch gekocht vnd  
gessen/ ist güt den Priscis/ denē die engbrüstig sey  
en. Item ir puluer das von inen gemacht würt so  
man sie verbrennet mit den heütlin oder heüßlin/



So ist es güt für die feygwartzen. Vnd mit etlich  
en pfefferkörnlin darunder vermischet/ ist es vast  
güt allen feygblattern vnd erwachsung die im hin  
dern sich erhebēt. Desgleych auch/ sie also rohe mit  
den heißlin gestossen vn̄ über die geschwer gelegt/  
so brechent sie vff die zeytigen Apostenen.

¶ Hernach volget das dritt büch Al/  
berti magni/ vnd ist von den krefftten  
vnd tugenten etlicher thierer.

**S**yt mal yetz oben gesagt ist vonn etlichen  
stücken die da kōmen vß krafft etlicher edler  
gestein vnd von irer wunderlichen macht  
oder würckung. So ist yetz zū sagen in disem Ca/  
pitel von etlichen stücken die da kōmen vnd ges/  
chehen durch etliche thierer.

¶ Item hienach volget von etlichen  
thierern/ dauon ich hie sagen wil.

Aquila ein adler	Tasso ein dachs
Lepus ein hase	Bubo ein Fle oder Keügle
Hircus ein bock	Camelus ein Kēmelthier
Leo ein löw	Hyperiolus ei ein hermlin.
Anguilla ein ale	Foca ei salm od merkelblin
Mustela ein wisel	Oppupa ein widhopff
Coruus ein rap	Pellicanus ein pelican
Miluus ein weyhe	Turtur ein teüblin
Talpa ein mulwerff	Merula ein troffel

¶ Von dem adler.

¶ Aquila ein Adler/ diser vogel ist gnügsam erkāt  
Er würt genant von den Caldayer Doray/ vnd



von den Kriechen Kimbicus. Es sagent Aaron  
vnd Quay/das er ein wunderliche tugent hab oð  
natur/wañ so sein hirn oder kopff gepuluert würt  
vñ dan mit dē safft des krauts Cata genant ver-  
myschet. Alle die dauon essen die nement sich als  
bald bey dē har/vnd verlassent auch einander nit  
biß das sie essich trincken. Aber des vrsach ist/wañ  
dieses hirn ist heiß/also dz es bringt ein fantatische  
weyß in verstopffung der natürlichen geng durch  
seinen rouch der inwendig vffreüchet.

#### ¶ Von dem Dachs.

¶ Tasso ein Dachs/ist ein thier wol bekant. Wirt  
genant vō den Caldayer Arapa/vñ vō den Krie-  
chen würt er Drgalo geheissen. Von dem spricht  
Aaron. So seine fuß von yemant getragen werdē  
der würt nit bekümmert oder veyert/sunder alweg  
begert er für zū faren in seinen sachē. Item der sei-  
ne fuß bey im treit/ð überwindet allweg vñ würt  
gefōrcht von seinen feynden. Vnd man sagt das  
sein recht aug verwicklet in ein wolffs haut/oder  
leder von seiner haut/macht den menschē wol ge-  
fallen/gnadreych vnd angeneh allen leüten. Vñ  
so man vß den vorgesagten dingen ein speyß oder  
puluer macht vñnd das gibt yemant in der speyß  
der würt vast von im liebgehabt werden. Vnd ab  
er diß letst ist bey vnsern zeyten erfahren.

#### ¶ Von dem steinküggle.

¶ Bubo ein Eyle oder ein steinküggle/ist ein vogel  
wol bekant. Wölcher vō den Caldayer Magi gen-  
nant würt/vnd von den Kriechen Hysopus. Di-  
ses vogels tugēt seind wüderlich/wañ so sein hertz  
vñ sein rechter fuß gelegt wirt vff den schlaffendē



so sagt er dir als bald alles das er gethon hat/ vnd was du von im fragest. Vnd das ist von vnsern brüder in kurtzer zejt erfahren worden. Vnd so dz aber yemant im vnder die achsel legt/ so bilt kein hund über in/ sund er verstumet. Vnd so das ding zusamē mit sampt seinē flügel gehēckt wirt an ein baum/ so versamlē sich die vogel zū dē baum.

#### ¶ Von ein Bock.

¶ Hircus ein Bock/ ist ein thier wol bekant/ vnd wirt von den Caldayer Erbichi/ von den Kriechen Maslai genant. So sein blüt genomēn wirt also warm mit essich vñ safft von gemeynet sena/ vnd also mitt dem glaß seüdet/ oder so es gesotten wirt das glaß darin/ so macht es das glaß weich also wie ein teig ist vñ magst es werffen wider ein maur oder wand/ vñ bricht nit. Vnd so diß vorge// nant stuck in ein geschirz gethon wirt/ vnd damit bestrichenn wirt das angesicht/ so erscheint im wunderliche vñ grausamliche ding/ vñ bedunckt in er muß sterben. Vnd so diß vorgeant in das feür gelegt wirt/ vnd da sey ein fallender mensch vnd darzū auch der stein von Magneten/ so faller er nider zū der erden als wär er tod. Vnd so im geben wirt wasser vonn ålen zū trincken/ so wirt er als bald wider vffston vnd gesundt.

#### ¶ Von dem Kēmelthier.

¶ Camelus ein Kēmelthier/ ist gnügsam bekant/ wirt genant von den Caldayer Ciboi/ von den Kriechen Jphim zc. So sein blüt gelegt wirt vff das haupt in einer mollē haut stellio genant nachtes so die sternē am hymel seind/ so bedunckt ein dz das ein rise sey/ vnd das sein haupt sey am hymel.



Vnd das hat man in dem büch Alcorath vō Her-  
mes. Vnd deßgleych so yemant dauon isset/d̄ köp̄t  
als bald von sinnen. Vnd so ein luzern oder am-  
pel mit seinem blüt bestrichen angezündet würt/  
so bedunckt ein das alle menschen die darüb stond  
habent ein haupt als ein K̄melthier/ so das doch  
kein ander liecht darumb sey.

#### ¶ Vom Hasen.

¶ Lepus ein Hase ist ein thier gnügsam bekant/  
vñ wirt geheissen vō den Caldayer veterellū/ von  
den Kriechē Onolosam. Sein tugent ist wunder-  
lich als sie sagen/wā Euay vñ Aaron sprechent  
das seine füß bestrichē mit seinē eygē schmaltz/ vñ  
gerhon zū einer trosteln kopff/bewegent den men-  
schen zū K̄nheit/also dz er den tod nit fürchtet/vñ  
so er das an den lincken arm henckt/ so gadt er wo  
er hin wil/vñ kompt sicher wider on schaden. Vnd  
so das einē hund geben würt zū essen mit einer wi-  
seln hertz/so schreyet od̄ billet er hinfürter nit mer  
so er schon zū tod geschlagen würde.

#### ¶ Von dem Eychhermlin.

¶ Experiolus ist ein Eychhermlin/ gnügsam er-  
kant. So man seine negelin od̄ cleüwlin verbren-  
net vnd beuestiget/vnd gibt dan̄ das in der speyß  
etwan ein pferdt/das isset nit in dreyen tagen/ vñ  
so man das selb ding thut zū ein wenig Terpen-  
tin/so würt es clar/vnd darnach als ein wolck/vñ  
sein blüt so man das in wasser würfft/so würt ein  
weyl ein grausamer donder.

#### ¶ Von ein Löwen.

¶ Leo ein Löw ist ein thier wol bekant/ von den  
Kriechē Bericht genant. So vß seiner haut gür

*ad andatiam:*



rel gemacht werdē/ & damit gegürtet wirt & fürcht  
die feynd nit/ vñ so yemāt vō seinē fleisch isset vnd  
vō seinē wasser trinckt drey tag lang/ so wirt er er-  
lediget vō dem feber quartan/ dz ist vō dē viertā-  
gigen ritten. Vnd so sein aug vnder die achsel ge-  
legt würt oder getragen/ so fliehen alle thierer mit  
geneygtem haupt zū der erden weyt von dannen.

#### ¶ Von ein Salmen.

¶ Foca ist ein fisch wol bekant/ den man nēnet ein  
Salm oder merkalb/ vō den Caldayer würt er ge-  
nant Danlabur/ vnd von den Kriechen Lobor.  
Diser fisch ist mācherley natur/ wān so sein zung  
genōmen würt vnd mit ein wenig seinem hertzen/  
vnd würt dan in das wasser gelegt/ für war so ver-  
samlet sich da selbs die fisch. Vnd so du das vn-  
der der achseln treyst/ so mag nyemant an dem ge-  
richt wider dich sig haben vnd gewinnen/ sunder  
du würest ein milten gnedigen richter haben.

#### ¶ Von ein Ale.

¶ Anguilla ein Ale/ ist ein fisch wol bekant/ aber des  
fisches als dann wil Luay vnd Aaron eugent ist  
wunderlich/ wān so er stirbt von gebrust des was-  
sers vnd sein leyb doch ganz bleybt/ vnd dan essich  
der starck sey genōmen würt/ vermischer mit blüt  
von einem Heyr vogel/ vnd das zūsamē geleet  
würt vnder ein mist ettwan an ein ort/ alle die ale  
so vil ir seind die überkōmen ir leben widerüb wie  
vil ir seind. Vnd so & wurm des selbē Alles vßge-  
zogen würt/ vñ würt dan in die vorgeant confes-  
tion gethon/ über einen monat/ so wirt der wurm  
verwandelt zū einē ganz schwarzē Ale/ von wöl-  
chem so yemant darvon isset der stirbt on zweyfel.



¶ Von einer Wisel.

¶ Mustela ein Wisel/ist ein thierlin gnügsam bekant. So das hertz diß thierlins gessenn würt die weyl es sich noch reget/ so macht es einen wissenn künfftige ding. Vnd so von dem herten mit den augen vnd zungē erwan ein hund isset/so verleürt er als bald sein stym vnd kan nymē bellen.

¶ Von dem Widhopff.

¶ Uppupa ein Widhopff ist ein vogel wol bekant/ würt von den Caldayer Hori genant/ vnd von den Kriechē Ison. Sein augen getragen machē ein menschē gnadreych vñ angeneh. Vnd so man sein augen treyt vor dē richter an der brust/ so werden alle seine feynd gefridsam vñ begürtiget/ vñ so du sein kopff in deinem seckel treyst/ so magst du nit betrogen werden von den Kaufleuten. Vnd dz ist erfaren kurtzlich von vnsern brüdern.

¶ Von dem vogel Pelican.

¶ Pellicanus ein Pelican ist ein vogel wol bekant/ würt von den Caldayer Valtri/ von den Kriechē yphilati genant. Des tugent ist wunderlich/ wann so sein iunge getödt werden/ also doch das ir hertz nit gebrochen werd/ vnd das von seinem blüt genommen würt/ vnd also warm in der iungen vögel mund gethon/ so nement sie als bald das lebē wie vor widerumb. Würt es gehenckelt an den halß etwan ein vogels/ der fleügt stätigs biß dz er nider falt todt. Vnd so sein rechter fuß gelegt würt vñ der warmē mist/ über drey monat darnach vß der feüchtigkeit vnd wernē die der vogel hat an im/ so würt ein lebendiger dar auß der sich selber regt vnd bewegt. Vnd das bezeüget Hermes in dem



büch Alcorath vnd Plinius darzu.

¶ Vom Rappen.

¶ Coruus ein Rapp/ist ein vogel wol bekant/ vnd sein tugent ist wunderlich/ als da sagt Luax vnd Alaron/ wann so sein eyer gekocht werden/ vnd dann widerüb in das nest gelegt werden/ so gat als bald der rapp zu dem roten mör in ein insel da Alodo:icus oder Alodo:rius begraben ist/ vnnnd bringt ein stein mit wölchem beriert er sein eyer/ vnd so werden sie als bald wider rohe vnd lauter. Vnnnd das ist ein wunder/ das gesotten hart eyer wider vffer// weckt werden als werent sie nye gesotten. Ist aber sach das diser stein gethon vnd gefast wirt in ein ring/ vnd man vnder in legt ein lorber blat/ vnnnd dan darmit berürt vnd angriffen würt einer der mit Ketten gebunden ist/ oder ein beschloßne thür/ so würt als bald der gebunden entlediget/ vnd gat die thür vff. Vñ so diser stein in den mund gethon würt/ so gibt er verstand aller vogel. Aber ein stein ist vß India darumb das er in Indier landt funden würt/ nach sag etlicher weysen. Vnnnd vnder// weylen im roten mör. Er ist mancherley farb/ vnd macht vergessen alle zorn/ als wir ob gesagt habē eben von dem selben stein.

¶ Von dem vogel Miluus.

¶ Miluus ein Wespe/ ist ein vogel genügsam erkant/ würt genant von den Caldayer Bisicus/ vñ den kriechē Molos. So sein haupt genomen wirt vnd getragen vornan an der brust/ so gibt vnd verleycht er liebe vnd gnad oder gunst aller menschen vnd der frauē. Vnd so man dz an den halß hencket einer hēnen/ so hört sie nit vff lauffen biß das es vñ

¶



er Kompt. Vnd so man vō seinem blūt bestreychet  
einē hane die Kreyde/so Kriegeret er hinfürter nit mer  
In seinen Knyen findet man ein stein so man recht  
subtyl dar auff sicht. Wölcher stein so der gethon  
würt in die speyß zweyer feynd. So würt vast güt  
ter friden vnder inen.

#### ¶ Von einer Turteltaub.

¶ Turtur ein Turteltaub/ist ein vogel wol bekant  
wirt genant von den Caldayer Gulon/ vnd von  
den Kriechen Pilay. So das hertz diß vogels ge-  
tragen würt in eins wolffs haut oder leder daruō  
so hat der das treyt hinfürter nyē ein willen vnd  
glust zū d̄ vnkeüſcheit. Vnd so sein hertz verbrant  
würt/vnd vff die eyer ettwan eins andern vogels  
gelegt würt/so mag nymer fürbasser ein frucht vß  
inen kōmen. Vnd so seine füß gehenckt werden an  
ein baum/so gibt er hinfürter kein frucht. Vnd so  
sein blūt mit wasser da ein maulwerff in gesotten  
ist vermischeret wirt/vñ dan ein harige stat damit  
bestrichē oder ein pferdt/ so fallēt im die schwarzē  
har alle vß/vñ wachsen im andre weysse har w̄ d̄.

#### ¶ Von dem Maulwerff.

¶ Talpa ein Maulwerff/ist ein thier wol bekant.  
Dises thiers tugent ist wunderlich als die Philo-  
sophi sagent. So sein füß verwickelt würt in ein  
lorber blat/vnd würt dan gelegt in eins pferdts oz  
so fleühet es vor forcht/vñ so das in eins vogels  
nest gelegt würt/so Kompt nymer vß den selben ey-  
ern einicherley frucht. Vñ wilt du die maulwerff  
vertreyben vnd sie machen fliehē/ so thū yn in ein  
hafen/vñ lebendigen schwebel der angezündet ist  
darzū/so versamlēt sich da selbs alle andre maul-



werffen/vñ dz wasser damit er gekocht würt/das  
macht wyß ei swartz pfer so mā dz damit weschet.

¶ Von einer Trostel oder Amstel.

¶ Merula ein trostel/ist ein vogel wol bekant/sein  
tugēt ist wunderlich/wañ so die federn seines rech-  
ten flügels gehēckt werdē mittē in dz huß mit einē  
rotē fadē & noch nye gebraucht ist/so mag nyemāt  
in dē hauß schlaffen biß dz es dannē gethon würt  
vñ so es in ein pfiz oder bruñ wasser gethon würt  
mit blüt vō ein widhopffē/vñ wirt dan vermisch  
et/vnd darnach bestrichen yemāt sein schlāffe dar  
mit/der würt als bald krancē biß vff den tod.

¶ Von der würckung der Planeten.

¶ Der weg zū volbringē vñ zū würckē alle vorge-  
schribē ding vff dz die vßwürckūg güt sey vñ nütz  
ist also dz es geschee vnd einē gütē planetē als Ju-  
piter vñ Venus/vñ in einē bösen werck dz es auch  
geschee vnd einē bösen planetē als Saturnus vñ  
Mars/vñ dz ist in iren tagē vñ irē stundē/wañ ist  
es sach dz yemant dz recht thūt/on zweyfel wirt er  
findē die warheit/den nutz vñ grosse wirckūg in dē  
vorgesagte dingē als zūm dickern mal ich erfare  
hab mit sampt vnsern brüder zū vnsern zeyten.

¶ Ober die natur/tugēt vñ volbringūg

etlicher kreüter/edler gstein vñ thierer.

**D**arum soll diser betrachtē & dises büchlin s  
copey findet vñ überköpt zū besitzē die herz  
schafft/vßwürckūg vñ tugēt/ob sie sich hal-  
ten in einer gütte vßwürckung/od in seinē wider-  
spil. Also dz die gütē ding erfarn vñ gethon werdē  
vnder einē gütten planeten/vnd die bösen vnder  
einē bösen/vnd so würt erfunden das obgesagt ist

L ij



Wan so sie in iren wider parthen geschehen? Als  
ein güter effect vnd stuck in einem bösen zeichen/  
oder herwiderumb/ so würd sein tugent vnd vol-  
bringung gehindert vmb seins widersachs willen  
Vnd also werden dan die güten waren vñ gerech-  
ten ding alle verachtet. Wann wir sehen das gar  
vil betrogen werden auch in gewissen vnd waren  
stücken. Wölche so sie der zeichen vnd zeyt natur  
vnd qualiter erkanten vnd behüten/ so erlangten  
sie iren willen vnd volbringen in den vor-  
gesagten dingen etc. ¶ Isidorus der ist sagen/  
das die äsche eines grossen frösch ob im getragen  
oder am gliedtel/ behalt vast den fluß der  
frawen vnd stillt in. Vnd zu einer bewerung  
nym diß exēpel/ ist es sach das du das  
bindest an den halß einer hennen/ vnd  
tödest sie so gat kein blüt von ir/ oder  
sunst auch von einē andern thier. Item so  
man sie vermengt mit wasser/ vnd darmit  
bestrichen werd yemant/ so wachsent  
fürter darvon kein har. Ist es das ye-  
mant das hertz eines hundes treyt vff  
der lincken seyten/ so erstumt alle  
hundert an im. Ist das yemant ein  
wolffs aug das recht bindt in den  
rechten ermel/ so mag im kein schad  
geschehen.

Hie endē sich die secreta vñ etliche heimlich-  
heiten des grossen meisters Alberti vō Cōln.

**U**nd vff dz alle ding die obgesagt seind vñ  
die auch vndē hernach gesagt werdē wöl-  
che d' sternē kunst nit habē/ die mögen sich  
nit leichtlich darzu siegē/ dz sie erlangē die  
vßwürckung irer begirdē. So soltu am  
erstē merckē das



die stund ist vñ wirt in zweyerley weg verstanden  
Ein ist gleych die ander vngleych. Die gleych stund  
ist die stund des vres od stund glases/ wölche all/  
weg gleych ist als an d zeyt glock scheinet. Aber die  
vngleych wirt betrachtet nach dē sich d tag merer  
od mindert an seiner lenge/ wañ die Astrologi vñ  
sternē seher nemēt alweg war vñ betrachte die zyt  
die weyl die son vff irē zirckel ynher gat/vñ dz nen  
nent sie den tag od den tägliche bogē/vñ herwider  
umb die nacht. Aber dise zeyt die sie den tag nen  
nent dz teylēt sie in zwölff teyl die gleych sind/wöl  
ches seind die stundē des selben tags/vñ was man  
vō dē tag hie sagt/dz soltu verstou herwiderüb vō  
d nacht. Vñ vff dz du dz clärlicher verstandest/so  
setz dz die son vffgang vmb die vierdē stund d zeyt  
glockē/ so habē wir biß zū dē nidergang sechzehen  
stundē d zeyt glock/nach wölcher stund wir multi  
plicierē durch .lx. nach dē vñ .lx. minutē sind einer  
yedē stundē des vres/so habē wir daruō neunhun  
dert vñ .lx. minutē/ wölche minutē wir teylent in  
zwölff teyl/nach dē vñ .vij. stund sein eins yerliche  
tags/vñ teylēt yeder stund zū ir teyl/vñ so habē wir  
achtzig minutē zū einer stund. Darumb ein yede  
stund des selbē tags hat achtzig minutē/wölche ne  
ment ein stund vñ ein dritteyl vō einer stund d zyt  
glockē. Vñ die selb ganz zeyt so betracht man die  
her:schafft des planetē d selbē stund/nach dē vñ d  
die nachgeschriben tafel außweyset. Aber ein yede  
stund seiner nacht/die wirt nit mer dan .xl. minu  
ten habē/wölches soltu also vō andern der gleych  
verstou also nach dē vffgang d sonen über dz erdt  
rich. Wañ nit die stund die da ist dz mittel zwyschē



nacht vñ tag/dz ist zū mitternacht ist die erst stūnd  
des tags/sund wān man tag spricht/so verstat mā  
so die son mag gesehē werde vff dē erdrich.

¶ Darūb wān du wilt warnemē od betrachtē die  
herzschafft eins yeden planetē/ wān ein yede stund  
so hat ein yeder planet sein herzschafft/so soltu an  
ersten die stund betrachtē wie vor geschribē ist/ vñ  
so magst du kōmen zūm end deines fürsatzes.

¶ Auch würt des tags anfang betracht von der  
ersten stund des vergangē tags nach dem mittag  
also. Der Sonnētag werd geteylt in zwey gleyche  
teyl/vñnd sey zwölff stund lang. Teyl das in zwey  
teyl/ dann so würt die achtzehend stund das halbe  
des tags/vñnd die erst stund die hernach gat/ würt  
der anfang des Montags.

¶ Von den sternē vñnd Planeten  
der ding soltu wissen als hie stat.

¶ Der Sonntag hat sein gestirn vnder dē Sonen.

¶ Der montag hat sein stern vnder dē Mon.

¶ Der Zynstag hat sein gestirn vnder dē Mars.

¶ Der mitwoch hat sein stern vñnd dē mercurio.

¶ Der donerstag hat sein gestirn vñnd dē Jupiter.

¶ Der freytag hat sein stern vnder dē Venus.

¶ Der sambstag hat sein gestirn vñnd Saturno.

¶ Merck fürbasser dz ein yedes recht werck soll  
geschehē vñnd seinē planetē/ vñ es ist besser in seinē  
eygē tag vñ in seiner eygē stund dz es also geschee.  
Als vnder dē Saturno dz lebē/beiw/leer vñ ver//  
wandlūg. Vnder Jupiter eer/begerte ding/reych  
tum/cleider. Vñnd dē Mars Krieg/gesencknūß böß  
sachē/seyntschaft. Vnder der Sonen hoffnūg/ge  
win/glück/erbe. Vñnd Venus freyntschaft/gesel



schaftt/wegreiß/liebe/bilgernuß. Vnd Mercurio  
siechtagē/verlierē/schuld. Vnder dē Mon palast/  
treüm/Kauffmanschatz/eim das sein abtragen.

¶ Vō den stundē d̄ tag vñ d̄ nacht.

¶ Vō den stundē des sontags/sein erste stūnd ist sol/  
die and Venus/die drit mercurius/die vierd luna  
die fünfft saturnus die sechst Jupiter/die sybend  
Mars/die acht Sol/die neünde Venus/die zehēd  
Mercurius/die eylfft Luna/die zwölfft saturnus

¶ Aber die nacht stunde/die erst ist Jupiter/die  
ij. Mars iij. Sol iiii. Venus die v. mercurius vi.  
Luna vii. Saturnus viii. Jupiter ix. Mars x.  
Sol xi. Venus xii. Mercurius.

¶ Am Montag die erst stund ist Luna ij. Sa-  
turnus iij. Jupiter iiii. Mars v. Sol vi. Venus  
vii. Mercurius viii. Luna ix. Saturnus x. Ju-  
piter xi. Mars xii. Sol.

¶ Aber an d̄ nacht/die erst stund ist Venus/die  
ij. Mercurius iij. Luna iiii. Saturnus v. Jupi-  
ter vi. Mars vii. Sol viii. Venus ix. Mercurius  
x. Luna xi. Saturnus xii. Jupiter.

¶ Am zynstag die erst stund ist Mars ij. Sol iij.  
Venus iiii. mercurius v. luna vi. saturnus vii. iiii-  
piter viii. mars ix. sol x. venus xi. mercurius xii.

¶ Aber an dem zynstag zū nacht die erst (Luna.  
stund ist saturnus ij. Jupiter iij. Mars iiii. Sol  
v. Venus vi. Mercurius vii. Luna viii. Satur-  
nus ix. Jupiter x. Mars xi. Sol xii. Venus.

¶ Am Mitwoch die erst stund der señen vffgang  
ist Mercurius ij. Luna iij. Saturnus iiii. Jupi-  
ter v. Mars vi. Sol vii. Venus viii. Mercurius  
ix. Luna x. Saturnus xi. Jupiter xii. Mars.



Aber an der Mitwoch zū nacht die erst stund ist  
Sol ij. Venus iij. Mercurius iij. Luna v. Sa-  
turnus vi. Jupiter vij. Mars viij. Sol ix. Ven-  
nus x. Mercurius xi. Luna xij. Saturnus.

Am donerstag die erst stund ist Jupiter ij. mars  
iij. Sol iij. Venus v. Mercurius vi. Luna vij.  
Saturnus/die viij. Jupiter ix. Mars x. Sol xi.  
Venus xij. Mercurius.

Aber an dem Donerstag zū nacht die erst stund  
ist Luna ij. Saturnus iij. Jupiter iij. Mars v.  
Sol vi. Venus vij. mercurius viij. Luna die ix.  
Saturnus x. Jupiter xi. Mars xij. Sol.

Am Freytag die erst stund ist Venus ij. Mercu-  
rius iij. Luna iij. Saturnus v. Jupiter die vi.  
Mars vij. Sol viij. Venus ix. Mercurius x. Lu-  
na xi. Saturnus xij. Jupiter.

Aber an Frytag zū nacht die erst stund ist Mars  
ij. Sol. iij. Venus iij. Mercurius v. Luna vi.  
saturnus vij. Jupiter viij. Mars ix. Sol x. Ven-  
nus xi. Mercurius xij. Luna.

Am Sambstag die erst stund ist Saturnus/die  
ij. Jupiter iij. Mars iij. Sol v. Venus vi. Mercu-  
rius vij. Luna viij. Saturnus ix. Jupiter x.  
Mars xi. Sol xij. Venus.

Aber an dem Sambstag zū nacht die erst stund  
ist Mercurius ij. Luna iij. Saturnus iij. Jupit-  
er v. Mars vi. Sol vij. Venus viij. Mercurius  
ix. Luna x. saturnus die xi. Jupiter xij. Mars.  
Dann so fahet an Sontag an morgen so die son-  
vffgat widerumb an Sol zū regieren wie obstat/  
allweg also nach ein ander in diser ordenung.

Der syben Planeten regierung.



¶ Vñ merck dz Jupiter vñ Venus güt sind/ Sa-  
turnus vñ Mars seind böß/ Sol vñ Luna seind  
mittelmässig ganz wed güt noch böß/ aber Mer-  
curius ist mit den güttē güt vñ mit den böse böß.

¶ Von den tugenten der wasser.

¶ Hernach volget ein Tractat von vil kostlichen  
stückē/besunder der quinta essentia vnd lebendi-  
gen wassern oder von wassern des lebens. Durch  
wölche man den gantzen cörper mag vffhaltē vñ  
in langwürige gesuntheit bringen.

¶ Für das gesicht in den glidern.

¶ Solt du schweißbaden mit den nachgeschriben *für das*  
stückē. Nym holder schoß/weckolter ber/groß nes- *pr. n. n. n.*  
sel sat/haberstro/thū es in einē kessel vñ laß es siedē *im glidern*  
darnach nym iij. oder iiii. stein vß einē fließenden  
wasser/vñ glū sie vñ schwitz daruō/vñ wañ du vß  
dē bad gast/so soltu darnach nemē güttē altē wein  
vñ anckē yedes vff syben od acht lot/vñ zerlaß das  
durch einander/vñ salb den ruckē vñ den gantzen  
leyb darmit/vnd wann du trucken würest/so nym  
ancken/baumöle/rinderin marck/vnd zerlaß das  
durch einander/vnd salb dich auch damit/dz soll  
man thū acht tag lang.

¶ Für das paralisis/das ist der schlag *h*  
oder die hand gottes ein puluer.

¶ Nym schwarzen pfeffer/bertrā/ruten/yedes ein  
quintlin/bibergeils/salbey d edlē/yedes ein quinta  
lin/benedicten kōmer/eychē mistel/yedes ein halb  
quintlin/zucker acht lot/ob man wil mag mā den  
zucker darzū thūn/wañ man anders brauchen od  
essen wolt dz in dz paralisis nit ankem/so sol zuck-  
er darzū kōmen/aber wañ mans einē brauchet

*für das  
pflager oder  
paralisis*

f



der das paralisis het/so laß man in her vß.

¶ Dit disen nachgeschriben wassern sol man das puluer brauchē lauander wasser/schwarz kirssen wasser/cardo benedictē wasser/yedes gleych vil/sol man brauchen zū der wochen ein mal.

¶ Ein ander güt puluer für schwindlung des haupts vnd für das paralisis.

¶ Nym benedicten Kerner/siler montan/yedes ein quintlin/roßmarin blümē/coriander/cubeben/yedes ein quintlin/Edlen salbey/sant peters Kraut/gots genad/bethonig/yedes anderhalb quintlin/lignū aloes/yngeber/zymen rinden/yedes ein quintlin/anacardi die da bereit seind/sal gemme/yedes ein quintlin/zucker zehen lot für alte leüt/zweintzig lot für iunge leüt die sich besorgen/werd gebrauchet zū zehen tagen von disem puluer eins guldin schwär/das ist ein quintlin/hilfft für den schwindel vnd weret dem paralisis.

¶ Dit disen wassern nym ochsen zung der edlē vier lot/sant peters Kraut wasser zwey lot/roßmarin blümen wasser/mütter Kraut wasser/yedes anderhalb lot/nym auff ein mal als vil wasser als in ein eyerschal geet/vnd zertreyb eins guldin schwer puluer darin/vnd trinck es wie obstat.

¶ Für groß hitz im haupt als ettwan in grossen febern/oder in pestilentz zeyten/so bestreych man die schläff mit diesem öl hernach volgen.

¶ Nym rosen öl iij.lot/haußwurtz safft/rosē essig holder blüt öl populien yedes ij.lot/opiū eins gersten Korn schwer/dz alles durch einander gemische mit v.oder vj.lot roßwasser/brauchets wie obstat.



¶ Für böse feüchtigkeit ein güt puluer für schwin-  
delüg vñ melācolische feüchtigkeit/vñ vast sterckt  
vnd krefftiger die da vast allein wonen.

¶ Tym species bensicās almansecū ein quint-  
lin/electū de gēmis vñ bisem dz dritteyl vō einem  
quintlin/kruß basilien sat/seeblüm weyssen mag-  
sat/yedes des dritten teyl halb von einē quintlin/  
das ist ein halb scrupel/ein cōfection heißt diaca-  
meron/diacameron auch so vil/den aller reinisten  
zucker dz ist ein zucker ix.lot/werd alles gestossen  
vnd zū puluer gemacht/wie ein mage wurtz oder  
dreseny/dz sol gebraucht werdē zū der wochē zwey  
mal mo:gēs mit gütte wein/yedes mal ein quint-  
lin/tugent vñ kreffter diser ding die darin gond/be-  
dō:fft yedes wol ein eygen büch/als vns offenbare  
die natürlichen meister der arzney/mit namē Aui-  
cenna/Auerrois/Aesue vnd Nicolaus zc.

¶ Für böse dünst vnd überflüssige  
feüchtigkeit des haupts/dz etwan  
zeichē seind 8 zūfell des paralisis.

¶ Tym mastix ein halb quintlin/staffisagrie an-  
derhalb quintlin/bertrum/yedes werde ein wenig  
gestossen groblecht vnd bind es in ein klein tüchlin  
als groß als ein haselnuß/vñ halt es im mund keü  
es etwan vff ein halb stundt/so zeühet es vil böser  
feüchtigkeit vß dē haupt/das magst du zür woch-  
en zwey oder drey mal brauchen.

¶ Ein güt puluer für engkeit der  
brust vñ vffstossung der lungen.

¶ Tym suchs lung/mistel von einem birbaum  
yedes anderhalb lot/leberkraut/Lyichen mistel ye-  
des ein lot/Alantwurtz/Ossa de corde cerui/yedes.

f ij

*fangt kein  
gang.*

*ausfignige*



ein quintlin / Ysop / nepre / zymet / neglin / ingber / yend  
des ein quintlin / galgen / cardomomelin / cubeben /  
muscatnuß / muscatblüt / yedes anderhalb lot / my  
sche es alles züsamen / vnd stoß es zü puluer / vnd  
thü darzū wein / zucker als schwer die stuck all wis  
gen / vnd meng es durch ein ander wie ein traget /  
werd gebraucht morgens vnd abents yedes mal  
ein quintlin oder mer / darnach die Franckheit ist.

¶ Ein secklin zü machen für blödigkeit des  
magen vnd für die würm / vñ das ein mensch  
dauwelich macht / vnd zü allen weetagen des  
magens / es sey von hitzen oder Keltre.

*Ab: ...  
magere ...*

¶ Nym krauß balsam / zwo handtuol wermüt / sal  
bey / stabwurtz / müttterkraut / wolgemüt oder tost /  
yedes ein handtuol / rautē / wassermüntz / boley / pfr  
sichlaub / nußlaub / yedes ein handtuol / reinfarben  
blümen / galgen / steindee blümen / lorber / yedes ein  
halb lot / stoß dz alles groblecht / die Kreüter schnyd  
vnd thües in ein secklin / vnd nym darnach den be  
sten wein den du haben magst / vnd mach in siedē /  
vnd stoß das secklin daryn / vnd ball es wider vß  
vnd leg es vff den nabel.

¶ Ein gütter tranck für geschwer oder  
brust / vnd für die bösen melancolici.

¶ Nym violen / burretz oder borras / ochsenzung / ye  
des ein halb handtuol / prunen von damaschē der  
grossen / zü latein pruna damascena / xx. engel süß  
süßholz safft oder schlecht süßholz / yedes ein lot /  
senet bletter vier lot / thurbith / agaricuz / yedes ein  
lot / mirabolani der gelben / mirabolani indi / rosen  
der roten / yedes ein halb lot / maur rauten / aposten  
menkraut / erdtrauch / hirtz zungen / ysop / yedes ein



halb handruol vñ stoß es alles zú samen/vñ geüß  
dañ darüber ein maß wasser/vnd seüde das biß dz  
es das vierteyl ynseüdet/vnd darnach nym es vñ  
seyhe es/vnd thü darzú yfop wasser/carden benedi  
cten wasser/yedes acht lot/vnd xvj.lot zucker/vñ  
laß es erwallen/vnd brauch darvon abents vñnd  
morgens/vñ zú stundē nach dē nacht ymbiß/yedes  
mal ein halben becher vol/dz ist gemeynlich vier.

¶ Ein güt salb die da macht har wachsen.

¶ Nym schelkraut die wurzlen/oder menig/hopff  
fen/yedes die wurzlen/vnd stoß das rein zú puluer  
wilt du so magst du sie grün stossen/vñ meng dar  
vnder acht eyer weyß vnd xvj.lot honig dz da ge  
distilliert ist/vñnd nym darnach rocken ähern die  
da gebreñt seind/eyer schalē/römischen kümel/ma  
stix/yedes ein lot/schlangen schmaltz ein quintlin/  
vnd stoß die obgeschriben stück wol rein/vnd nym  
darnach iung schweinēblüt/als vil als im genüg  
ist/das es werd wie ein salb.

¶ Die schelwurtz vnd die odermenig vñnd das  
honigwasser vnd eyerweyß werd sunderlich noch  
ein mal distilliert/darnach in sunderheit behaltē/  
vnd die nachgeschriben stück mit mischen/als den  
kümlich vnd den mastix.

¶ Ein güt puluer oder iraget zú dem hirn vnd  
zú stercken die memorien/vñ reiniget das hirn/vñ  
vertreybt auch schwindel bringt begird zú essen vñ  
trincken/vnd behelt einen güttē natürlichen stül  
gang/vnd vertreybt die harnwind im leyb/vnd ist  
güt der lungen vnd brust geschwulst/vñnd allein  
andern gliedern vertreybt es die vnnatürliche hitz  
en. Wird gemacht also. Nym löbstückel vnd sal

f iij



bey/der edlen vnd latein bethonige/maioran/anis  
oder ennis/carda momelin/peterlin sat/ Krauß bal  
sam/origanum/toften oder wolgemüt/till sat/zit//  
wan/Watkümmel/Fenchel/Eberwurtz sat/Rö//  
mischen kümmel/garten müntz/weyrauch/mastix/  
boley/quendel/schelwurtz/lanne/celidonia/kürch/  
ysop/langē pfeffer/schwartz pfeffer/kamel howe/zü  
latein squarnatrū/römisch spica/yedes ein quint  
lin/yingber/muscarnuß/süßholtz/zymen yedes ein  
lot/bertrā/wildē galgē/muscat blüt/galgē/neglin  
Saffran/yedes zwey quinlin/augentrost/vier lot  
eychen mistel/violwurtz/cubeben/yedes vier quint  
lin/anacardi die da bereit nach d̄ meister kunst vñ  
leer als hernach volgē wirt/ anderhalb quintlin.  
Vñ misch dise ding alle durch einander/ vnd stoß  
sie klein zñ puluer/ vñ misch darund̄ xxviij.lot zu  
cker/vñ werd gebraucht morgēs frū mit einē güt//  
ten wein der mit disen dreyen wassern die in sun//  
derheit den magen vñ das haupt stercken.  
¶ Tym Krauß balsam wasser/ ochsen zungē was//  
ser/roßmarin wasser/ Carden benedicten wasser/  
yedes vier lot oder als vil als du wilt/ eins nur als  
vil als des andern.

¶ Ein güt vnd gerecht puluer zñ be//  
halten für den weetagē des paralisis.

¶ Tym coriāder ein lot/muscat blüt/muscarnuß/  
neglin/roten sandel/helffenbein schaber/parißker  
ner/süßholtz safft/yedes ein quintlin/yingber/cube  
ben/galgen langē pfeffer/agley sat/eychen mistel/  
benedicten kerner vñ benedicten rosenn kerner  
wurtzlen/rote corallen/scharlach kraut/bethonig/  
römischē kümmel/roßmarin blümen/lauander blü



men/salbey blümen/pomerantzē schelffen/zymen-  
tinden/yedes ein halb lot/dyaanthos das ist ein cō-  
fect vonn roßmarin blümen anderhalb quintlin/  
diambra ein quintlin/lignum aloes vnd balsam  
holz yedes xv. gerstē kerner schwer/werd alles rein  
gestossen vñ darunder gemischt zwölff lot zucker/  
werd gemacht als ein trager.

¶ Itē vō disem vorgeschribē puluer sol man brau-  
chen alle tag morgēs vñ abents yedes mal als vil  
als ein baum nuß alwegen vor dē imbiß zwo stun-  
den/nachts zwo stunden nach dem imbiß.

¶ Ein güt puluer vnd bewert für das  
zepflin im halß/das da kompt von üb-  
erflüssiger feüchtigkeit/geschwollē vñ  
gelbig ist von vil kelten.

¶ Tym langen pfeffer/yngher/yedes ein halb lot/  
pariß kerner ein quintlin/bearū/gebrantē alun d  
da gebrent ist/yedes ein halb quintlin/zepffelkrut  
zwölff gersten kerner schwer/weysenn hunds kat  
zwey quintlin/dz werd alles rein zū puluer gestos-  
sen vnd vff das zepflin gethon hilfft gar wol.

¶ Ein güt puluer vñ bewerte artzney  
da einen die lung in die keel steygt vñ  
auch andere gebresten die da kommen  
von der franckheit der lungen.

¶ Tym lungen kraut ein halb lot/suchs lung an-  
derhalb quintlin/süßholz/christwurtz/yfop/alant-  
wurtz/yedes ein halbs quintlin/neptkraut/engel-  
süß/yedes des dritten teyls von ein quintlin/eych-  
en mistel/der edlē salbey/hirtz zung/neslen sat/ne-  
gelin/yngher/pfeffer/yedes xv. gerstē kerner schwer  
galgen/cardanomelin/cubeben/muscarnuß/mu



scat blüt/yedes achthalb gerstē Kerner schwer/wer  
de alles gestossen vnnnd zu puluer gemacht/vnnnd  
darunder zwey lot zucker gemischer/vnd werd gen  
braucht morgēs vff anderhalb quintlin/mit yfop  
wasser/das ist vast güt.

¶ Ein güt puluer das da layiert  
vnd purgiert alle vier complexi  
ones on allen schaden.

*luxurios  
palmor*  
¶ Nym wolffs milch wurzel der cleinsten/vnnnd  
wäsch sie mit ein dünnē wasser/zwey teyl vō ein  
quintlin sol sein 8 wurzeln/senet bletter ein quint  
lin/Turbit/weysen weinstein/engelsüß yedes das  
dritteyl von einem quintlin/vnd vier gersten Ker  
ner schwer lerchen schwam/schamonee die da be  
reit ist/reubarbary/yngeber/yedes xviij. gersten Ker  
ner schwer/zymet/enis/fenchel/süßholtz/römischē  
Kümel negelin/muscat blüt/galgē/violen/borras  
blümen/ochsen zung blümen/sal gemme/yedes vj  
gersten Kerner schwer/Wastix xij. gersten Kerner  
schwer/werd alles zusamen gestossen vnd rein gen  
puluert/vñ werd dauon genomen morgens ander  
halb quintlin in wein oder in erbs brü.

¶ Ein güt wasser zu scherpfen das ge  
sicht vnd für die flecken in den augen.

¶ Nym odermenig/eysenkraut/fenchel/rautē/rot  
rosen eins als vil als des andern/vnd stoß es oder  
quetz es in einem mörser stein oder hacke es vnd be  
spreng es mit güttem scharpfen wein/vnd laß es  
also ston/vnnnd putrificieren in balneo marie drey  
tag vnd nacht. Vnd darnach so werd es gedistil  
liert in einē cucurbit. Vnd sunderlich was krafft  
diß wasser hat vō disen vorgeschriben kreüttern vñ



zū was kräckheit sie dienē. Es ist güt für die triefen  
fenden augen. Vnd ist hinweg nemen alle weeta  
gen die da kōmen von keltē. Es ist auch trucken  
vnd clar machen die zāhern der augen/vnnd ver  
treiben die flecken. Wilt du aber das es die fleckē  
vester hinweg treyb/so thū darzū andorn vnd hū  
ner darm das dz die roten blümlin hat/genant zū  
latein flāmula/paurē kraut yedes halb als vil als  
yener eins distilliert vnd auch da mit den vorigen  
Vnd wañ es also distilliert ist/so nym darzū myr  
ra vnd aloe/yedes ein quintlin/vnd bind es in ein  
tüchlin/vnnd henck es in das wasser/ so ist es ge  
recht gemacht.

¶ Disß wasser sol gebraucht werdē abents vñ  
morgens in yedes aug ein tropffen gethon/dz  
hilfft wunderbarlich wie obstat. NB

¶ Ein güt aqua vite composita/das ist toglich al  
len siechtagen was da kōmpt von keltin/vnd das  
werd also gemacht. Nym fenchel/peterling/spar  
gen/vnd tausent blat oder garbe/wald distel/end  
uien/scharlach. Die wurtzelen yederley sechs lot/  
Waurrauten sechs lot/weyssen güttē wein/vnd  
misch es alles wol durch einander vnd distilliers  
durch ein alem bick/. Das erst puluer zū machen  
darzū nym kümel/rōmischē zymant rinden/yedes  
sechs lot/negelin drey lot/lignū aloes/ist paradeysß  
holz ein quītin/yingber/pfeffer/yedes vier lot/gal  
gen/cubebē/nept/lōbstöckel sat/yedes zwey lot/spis  
canardi/macis/yedes ein lot/werd alles zū puluer  
gestossen/vnd das behalt also.

¶



¶ Das ander puluer nym zymant rinden/neg  
lin/spicanardi/süßholz/langen pfeffer/yedes ein  
lot/dise ding werden auch alle rein zu puluer ge  
stossen.

¶ Zu dem ersten nym des ersten wassers vō den  
wurzelen distilliert drey teyl/vnd der zweyer pul  
uer zwey teyl/vnd distilliers wider durch ein sack  
vnd thū darzu rotē wein ein halb maß. Vnd wān  
es ist gedistilliert durch dē sack/so distilliers durch  
ein alem bick/doch wilt du so magst du mer nemē/  
ye lüzeler ye besser. Vnd wān es also distilliert ist/  
so thū darzu ambra vnd bisem/yedes zwölff ger  
sten kerner schwer/vnd hencē es in das aqua vite  
vnd deck es vast wol zu vñ stell es da vast vil hitzē  
ist das es sich wol durch einander temperier so ist  
es gerecht.

¶ Item von diesem wasser den wein gemischet  
bringt ein güt memorien/yedes mal zwen tropffen  
den alten zu allen ymbiß/aber den iungen vō xv.  
iaren zur wochen drey mal/wān sie dz wasser nicht  
möchtē brauchen im wein/so sollen sie ye über vier  
tag das wasser trincken eins guldin schwer mor  
gens nüchtern/den vierden tag darnach des pul  
uers des dritten teyl schwer von einem guldin/dz  
ist ein scrupel des form also ist den tag drey mal/ye  
des mal wie obgeschriben stat/morgens/zū mittē  
tag/vnd zū nacht in der speyß.

¶ Der würdig meister Origenes/als man dz vō  
im list/hat diß wasser gebraucht nüchtern/vnd  
auch in der maltzey also drey oder vier tropffen in  
ein leffel vol wein getruncken. Vnd spricht wöl



3  
eher mensch dieses wasser also braucht/ & erlebt die  
zeyt die im von gott vffgesetzt ist/vñ behüt in vor  
aller krankheit biß zu seinem vffgesetzten alter/  
du magst auch diß wasser brauchen so mit schmie  
ren dein angesicht/behalt vnd macht es schön.

¶ Item es scherpfft auch die vernunfft/vñ ver  
treibt traurigkeit also getruncken vnd daran ge  
schmeckt. Es ist auch stercklich zu hilff kómen der  
natürliche weme des leyliche geists/wañ es wirt  
bekert zu blüt/wölchen tag einer auch diß wasser  
trinckt/vñ braucht matschnecken/ & hab güt hoff  
nung dz in des tags & schlag od̄ parli nit trifft.

¶ Itē es ist auch güt für vergift vñ stinckendē  
nebel/so sie sind sol mā die naslöcher vñ die schleff  
damit bestreychen/ vnd daran in einē schwāmlin  
schmecken/behüt dich vor allen bösen lüfften.

¶ Ein ander kostlich vnd güt aqua vite des  
tugēt man nit kan genügsam lobē vñ schrey//  
ben zu allen bresten vñ krankheitē des leybs

¶ Tym der edle salbey vij. lot/ muscat nuß/ yng  
ber/ neglin/ pariß kerner/ zymant rinden yedes ein  
lot/ rautē bletter/ lor öl zwey lot/ bibergeyl an d̄halb  
quintlin/ spicanardi maioran/ yedes ein quintlin  
rosmarin blümē/ citern atrindē/ yedes vier quint  
lin/ dise ding werdē alle zusamē gethon/ vñ werd  
darüber gethon/ gebrantē wein zwo maß/ vñ stell  
es zu putrificierē vierzehen tag/ vñ allē tag werd  
es ein mal gerürt/ vnd werd darnach distilliert in  
ein alembick/ vnd werd daryn gehencket Ambra/  
bisem/ yedes ein gersten Korn schwer.

G ij



¶ Item diß wasser im imbiß vnd zū nacht ein  
tropffen od̄ zwey yngenomen/behüt dich vor haupt  
wee vnd grawe des hars so du dich auch damit be  
streychest. Ob auch einem wee in dem munde. w̄t  
an den billern oder rache der behalt ein wenig des  
dar vff es heilt. Es ist auch gütt für geschwinden  
vnd onmechtigkeit so man das mischt mit tamar  
iscen wasser vnd es braucht. Es wert auch das  
zittern der glider. Item der sein anlütz damit be  
streycht der macht vnd behalt es glatt vor runzelē  
Es wid̄ bringt auch ein sein gespräch. Es ist auch  
güt für das krümen in dē bauch dz da kompt von  
überflüssiger feuchtigkeit vñ custieret seer. Es we  
ret auch der wassersucht die da kompt vō Keltin/  
wan̄ man dz trinckt vñ sich damit schmieret. Es  
ist auch gütt für die vnreinigkeit d̄ maltzey/so ein  
teyl vō disē wasser vñ taubē kropff wasser dz zwey  
teyl dar vnder mischet/vñ trinckt stättiglich zür  
wochē drey od̄ vier mal/vñ die maltzey damit stät  
lich bestrycht d̄ wirt vffenthaltē vñ erweret sich ge  
wissigklich/es sey dan̄ dz die vffezikeit gar faul sey

¶ Hienach volget ein schön Regimen  
wie man sich in der zeyt der pestilētz hal  
ten sol/mit essen vnd trincken zc.

¶ In übung vnd leyplicher arbeit/ soll man in  
vergifttem lufft/so Pestilētz hat angefangen nit  
thün kein groß übung/mit springen/lauffen/dan  
zen zc.dardurch man vast hitzig/müde/ od̄ schwü  
zen werde/sunnder allein leycht arbeit thün/mit  
spazieren/mitt weidwerck treyben/zymlich vnd



mit andern dingen sich üben in den zeyten/ so der  
lufft schön ist/güt vnd nutzlich/vnd so nit schöne  
lufft ist/mag man ynheimschs ander zymlich ar-  
beit/dauon man nit vast hitzig würt/treybñ yeder  
wie im zympt/das ist besser dan müßig sein. Vnd  
wer nit arbeitē oder webern kan/mag dafür las-  
sen reyben die arm gegen henden/vnd die bein ge-  
gen füßen/vnder sich zü ziehen erwan lang/auch  
besunder bey den glidern der scham/vnd sich da  
wäschen mit wasser/darinn camillen oder andere  
warne kreüter gesotten seyen/vnd nit mit kaltem  
wasser. ¶ Aber in arbeit des gemüts ist nüt dz  
man verhüte sich vor zorn/Kriegen/vor forcht vñ  
vor sorgfeligkeit des todes/auch nit dauon reden  
noch gedencken/besunder leben in freüden vnd er-  
gegligkeit bey gütten freüden (damit man doch  
gott nit erzürne) vnd besunder sol man seiten spil  
vnd andere zymliche freüd brauchen/meer dann  
sunst zü andern zeyten.

¶ In schlaffen vnd wachen/sol man halten die  
mittel maß/also das man schlaff nachtes sechs/sy-  
ben oder acht stund vngewerlich/doch nützer ist/  
minder zü schlaffen/dan zü vil. Vñ sol der schlaff  
geschehen nit tags/sunder nachtes/es wär dann so  
ein mensch nachtes het gewacht/oder auch so er vß  
langer gewonheit/hette tags geschlaffen/dan also  
mag er auch schlaffen im tag/doch rat ich im/das  
er vō tag zü tag/lerne/im abbrechē in disem schlaf-  
fen sittiglich/ye wenig vnd wenig/biß er sich des  
entwene/vñ nit stümpflich dauon vffhöre/damit  
der natur nit schaden zügefügt werd.

G iij



¶ Im essen sol man anfangs sich haltē dz man die gemeynen regel darüber gesezt/ nitt übertrēt. Nemlich dz man nit esse on lust/ das man sich nit ganz settigen kein mal/sunder mit lust vffhöre zū essen/das man an wenig speyß benüigig sey/ vnnnd nit mancherley vff ein mal esse/das man auch nit vil hunger leyde/sunder wañ der kōme/das man esse/vnd der gleychē/als man allweg thūn sol/wer gesund bleybē wil zc. Aber über die seyen etlich sun der speyß hierin verbotten.

¶ Am ersten sol man nit vil suppendiger flüssiger speyse essen.

¶ Zum andern soll man meyden/was giftiger art ist/als schwein/egerling/pfifferling.

¶ Zum dritten sol man meyde/was bald an im selbst verdirbt/oder zerstōret würt/oder faulet/als milch/vnnnd gemeynlich obß/ von kirssen/erdber/pflaumen/maulber/pfersich/Welou opffeln/byren/vnd wol zeytig trauben. Vnnnd so man opffel byren/oder kraut brauchen wil/sol mans nit rohe/sunder gekocht brauchen/vnd sol man die/desgleych Korn/vnd kuchen speyß nit nemen/vß bösem lufft/sunder die im gesunden lufft gewachsen seyen/so ferz mans habenn mag/doch sol man nit vil kuchen speyß brauchenn/noch deren die zū vil alt ist/es sey von lynsen oder andern.

¶ Zum vierden sol man meyden feist ding/vō hirn/marck/schweinē fleisch/kröß/vnd kōpffen zc. Auch all grob starck fleisch/von alten kien/vnnnd oxsen/alt wildpret/vnnnd sol doch nit zū vil iung fleisch essen/vor vß nit iung lemlin/od ferlin/wiewol iung hasen/kyzlin vnd kelber nit schaden.



¶ Item von rüben sol man nit vil essen/vñ soll die wol sieden bey fleisch. Irē man sol scheyhē vnd meyden alle grobe/auch stoppende speyß/als Kabiß Kēß/fladen vnd alles gebaches gemacht von teig/übel gebachen vnd vngeheselt brot zc. bonen vñnd der gleych/wiewol lynsen/ryse/gerstē/habermüß vñ kern dauon zügelassen ist.

¶ Item sol mā meydē/ was vast scharpff ist vñ das blüt verbrenē/als senff/retrich/Enobloch/porz zc. aber zybel mag man brauchen gekocht.

¶ Item man sol auch meydē glatt/schlymig/vñ feist fisch/voruß vñ steenden wassern oder an enden gefangen da vil vnflats in die wasser kompt/als da wüß von den sterren daryn kompt.

¶ Besunder sol man brauchē speysen die leycht deüwig seyen bringē güt geblüt/dz nit feüle/ noch vermischet sey/ mit vil oder bösen feüchtigkeiten/nemlich von gefügel von wilden vogeln/seyen güt all vogel die nit in wasser wonen/als enten/genß/sunder die im veld oder welden wonen/als hasel/hüner/rephüner/lerchen granat vogel zc. vnd von zamen vogeln seyen güt iung caponen vnd hennē/iung hüner vnd iung tauben/die yezund anfahen zü fliegen.

¶ Vom andern fleisch ist güt zü brauchen iunge kytzlin/milchkelber/stechkelber/iung hemling/iung hasen/iung reher/vñnd ander iung wildpret die ding mag man erwan sieden/erwann bratten/im summer mer sieden/im winter mer braten/am morgen auch mer sieden/vnd abents mer braten/vor auß so der mag starck ist/so mag mann auch gallrey oder sunst bey essen dauon machenn/ mit



sen ffrem gewürtz vor vß mit saffran/zymet/yngber vnd negelin. Vnnd so die zeyt heiß ist/ sol man sandel darzü thun/vñ mag man auch kalbs füß vnd schweinfüß sieden/vnd mit essig sulz machñ vnd brauchen. Vnd gemeynlich ist nützlich vnd güte bey allen dingen essig zü brauchen/oder den daryn siedē/es wär dan dz man den nit wol leyden möcht der engbrüstigkeit halb/ oder das er im leyb schadet/so möcht man agrest da für brauchen/oder sach mit zucker vermischet. Wan mag auch machen saßen im sumer vnd hitzen von ampffer oder lactuca/mit essig vnd wenig zucker/in kalten zeyten aber von salbey/ oder peterling/ oder byment mit essich/negelin vnd zymet/ vnd erwan von coriander vñ anderm gewürtz puluert/mit essich zertriben/vnd daryn gedunckt fleisch oder brot.

¶ Item seyen güte frisch eyer/weich gesotten vß der schalen/ od verlorñ/aber nit hört/oder gebachē es sey dan nach arbeit vñ in grossen hunger/vñ d mag starck sey/wol mag mans gerüret auch essen.

¶ Milch daruon man die feißte thüt/ vnd darnach in der milch ablöscht gliend wackē/ erwan dick/ist güte/aber sunst milch nit/gleich wol als ander suppēdig ding/wañ mans vil braucht/darüb man wenig brüen/sie seyen von käsen/erbeiß oder fleischs brauchen soll/vnd seyen besser wann man eyer daryn klopfft/vnnd wenig essich darzü thüt/ als gyffel oder weinwarm.

¶ Von kraut zü heißen zeyten/ist güte lattich/byo



nesch/mangolt/vnd besunder ampffer/aber zū an  
dern zeyten nym melliß/boretz/kressenn/peterling/  
fenchel vnd scabiosa/dauon mag man etwan Koch  
en/etwan salat mit essich vnd saltz machen.

¶ Loblich hert vifch. seind etwan zūgelassen so  
man die brat/oder wol seüdt mit wein vñ in essich  
abtrucknet. darnach mit yngber in essich zertribē  
braucht/vund krebß mit essich gesotten/wiewol sie  
hart deüwig seind/mag man essen zū zeyten/doch  
wenig zū mal.

¶ Von früchten oder obß das zūgelassen ist/ mag  
man vor essens brauchen trauben/die nit vast zey  
tig seind/oder mertreybel die nit vast süß seyen.  
Vnd nach essens seind güt granatöpfel/oder ges  
braten küttn/oder güt gebraten birn/vnd etwan  
gebratē kessen/yedes ein wenig. Etwan auch man  
del vnd pynee geschelet/vnnd in zucker gedunckt/  
vnd haselnuß geschelet/seind vast güt/desgleychē  
baumnüß geschelt/vnd in wein gedunckt/oder zū  
heissen zeyten in essich oder rosenwasser/vnd also  
yn geessen/nit vil als etlich thünd.

¶ Item im trincken sol man meyden trüb vnd  
auch übelשמackend wasser/trüb dick bier/vnnd  
neüw oder trüb wein/dick rot wein/seyger oder ab  
gefallen/vnnd sol man trincken schön clar wein/  
weyß oder rot/wolriechend nit vast starck/vnnd so  
die starck weren/sol mans wenig mischē mit brun  
oder roß/oder ampffer wasser. Nicht destminder  
in heissen zeyten/vnd hitzigen leüten/mag man ge

G v



ben gersten wasser/oder dinn lauter bier zū trinck  
en vnnnd soll man zūm essenn trincken ein gläßlin  
oder becherlin vol vngewerlich vnnnd darnach nit  
es forder dann sunder durst/dan̄ wiewol man nit  
vil trinckē sol so sol man doch auch nit vil dursts  
leyden/gleych wol als man auch nit vil hunngers  
leyden sol/vnd doch nit füllen noch brassen/besun  
der zymlich essen also das man mit etwas lust vff  
höre/wie vor auch steet.

¶ Wan sol auch den stülgang fürdern täglich  
so er nit selber geet/mit zepflin/mit linden leychten  
clistierlin/vnd erwan mit pestilentz pillel/darvon  
hernach volgen würt/vñ diß ist das regimen das  
ein yedes halten sol zū vffenthaltung/damit ich  
hoffe es der pestilentz frey steen/vnd nit geschickt  
werd die zū empfahen.

¶ Aber zū merer sicherheit sol man auch brau//  
chen artzneyen zū dem bestymptē regimen/vor vß  
leüt die vol feüchtigkeit seyen/vnd seyen die artz//  
ney mangerley. Die erst ist reinigung vnd minde  
rung der feychtigkeit/vnd beschicht in zwen weg/  
der ein ist aderlassen vnnnd das hört zū denen die  
groß vol adern habē/vnd die gesebt rot dick harn  
wasser habē/vnd am merer teyl leüten von xxiiij.  
iaren biß über .xl. iaren/die güte speyß essen/vnnnd  
nit vil arbeiten/vor auß die gewonheit haben/zū  
adern lassen das söllent sie nun offter thün dann  
vor mals/yedes monats einest oder offter/doch we  
nig zū mal vnd minder blüts dan̄ sie sunst lassen  
vñ das sollens thün/yetz zū der rechtē seyten/yetzo



zū der lincken/mun an diser adern/dañ an einer an  
dern/dabey sag ich aber/das frawen die ire krank  
heit ordenlich vnd gnügsam habñ/oder auch wer  
die guldin ader zymlich hat/nit not ist vil zū lassen  
Sunder nichts oder wenig/ als auch schwangern  
frawen zympt minder zū lassen dan sunst/vnd et//  
lichen die wenig geblüts haben/ gar nichts zympt  
Wer auch alters halb oder schwache halb/od kind  
heit halb/nit zur adern laßt/der mag schreyffenn  
dafür/vor vß ob ers gewont ist zū thün etwā zwy//  
sehen schultern/vnd etwan vff den lenden/vnd et//  
wan an tiechen. Wie ist auch zū merckē das man  
zū diser zeyt nit stillen sol keinen gewonlichen fluß  
darumb im podagra/vnd in reüdigen leüten den  
fluß sol lassen geen/vnd die raude nit vertreyben/  
aber doch sol mans purgieren.

¶ Der annder weg der reinigung geschicht mit  
artzney/die die anndern böß feüchtigkeiten/nit in  
blüt vermischet treybet/es sey gall/schleim/wasser  
oder melancoly/dauonn laß sich ein yedes vor der  
Pestilentz purgieren/mit rat eins gelerten erfarnē  
artzet/einest oder mer/dabey das die güte feüchtig  
keit nit zerstört/auch nit die böß überhand neme/  
sol man all wochen einest oder mer/brauchen Pe//  
stilentz pillel/der gemeynen/oder deren so ich geord  
net hon/zūmal sünff/ sybē oder neün/etwan lang  
vorn essen/die mögen auch schwanger frauwen  
vom vierden Monat irer empfachniß biß zūm  
sybenden wol brauchen/aber darvor vnd darnach  
ist besser ein lot oder zwey casia fistula in hünner  
brü zertriben/vnd wenig zymet dabey inen zū gebē



für die genanten pillol/ so mag man auch leychte/  
lindende Kriesterlin/ gesotten vō bapeln/ mangolt/  
oder der gleychen/ geben mit casia fistula/ oder one  
die doch gesalzen vnnnd mit baum öle bereit/ aber  
ich lob nit/ sich oben auß zū reitzen zū vnd auwen.  
So aber es yemants von im selbs anfecht vnd on  
arbeit geen wolt/ oben vß sol man lassen geen.

¶ Die ander gestalt der artzney ist/ das man auch  
brauch die artzneyen die dz hizig geblüt vñ schar  
pffe feüchtigkeit mildern/ als da ist rosenn zucker/  
manus christi/ vnd Küle siropen von violen/ rosen  
tauben Kropff/ von ampffern/ von endiua vnd der  
gleychen gemacht/ vnd safft vō granaten/ von po//  
ma ar ange/ von Johans treübel/ vō surach/ agreß  
zc. die ding sol man brauchenn nüchtern oder vor  
nachteßens/ vor vß zū heissen zeytē/ vñ hizig leüt/  
die heiß geblüt haben. Aber kalten leüten ist rosen  
zucker nützer dann ander ding/ vnnnd noch nützer  
electuarium de gemmis das Mesue schreybt von  
der yeden ein quintlin/ morgens nüchtern gebrau  
chet/ oder vorm nachteßens.

¶ Die dritt gestalt der artzney/ seind die artzney  
die das hertz vnd leblichen geist stercken/ vnd vor  
giffte/ vñ bösem lufft bewarē. Vnder denen ist am  
ersten die fürnemest ein erdrich/ genant bolus ar  
menus also bereit/ man sol den klein stoffen/ vnnnd  
wein/ oder roßwasser/ od ampffer wasser darüber  
thün so vil das ine bedeck/ vnnnd über etlich stund  
sol man den wider her vß nemen/ vñ so er getruck  
net wider stoffen/ vñ aber also darüber thün wein



oder genant wasser/ vnd züm dritten mal aber al  
so/damit er ganz sauber werd/dauon sol man nem  
men nüchtern ein halb quintlin mit wenig schön  
claren weins gemüschet mit roß oder ampffer was  
ser. Oder so es vast heiß wär/so sol mans gebē mit  
essich vnd roßwasser/vor vß iungen hitzigen leütē  
ist ein loblich artzney.

¶ Züm andern mag man nemen von terra si  
gillata (das ist auch ein erd) gleych bereit wie die  
erst/vnnd so vil vnnd mit den selben wassern oder  
wein ist güt.

¶ Item züm dritten ist nutzlich morgens vnnd  
abents zü essen ein mund vol ampffern also grün  
oder puluer daruon gemacht/trincken in wein/od  
roßwasser zü malein halb quintlin vngenerlich.

¶ Item ist güt kernen vō iuden öpffel zü nemē  
zū mal sechs oder zehen vngenerlich.

¶ Item ist vast güt ein halb quintlin tormen  
tille mit wein oder essich zü brauchenn/ desgleych  
vonn alant wurtz/oder braun bathenge/oder sant  
Johans kraut/oder von zitwan/ oder angelica/ od  
roßhüb wurtzeln/oder pinpenellē/oder schelkraut/  
deren yedes zerstoßen genōmen ein halb quintlin/  
od minder i wein od essich gemischt/ wie vor steet.

¶ Desgleychen sag ich von diptam wurtz/ vnd  
seyen güt weckholter ber in essich gedunckt.

¶ Item rauten bletlin sechs oder acht in essich  
gedunckt doch nit schwangern frawen.

¶ Itē seygen/itē scabiosen gebraucht wie ampff



fer/ist vast güt. Item baldrian vnnnd naterwurtz  
mit essich wie oben steet.

¶ So ist auch güt so man morgens zwo haseln  
nuß oder ein welsche nuß schelet/vnd ein weyl legt  
in essich oder roßwasser/vnd sie darnach braucht/  
diß seyen die fürnemsten stuck von einzigen dingē  
für gemeyn leüt zū brauchen/vnd mag man ab-  
wechseln vnd yetzo eins/dañ ein anders brauchen  
das ist besser/dañ alweg einerley allein zū brauchē

¶ Aber von vermisten artzneyen/vnnnd von vil  
stucken zūsamen gemacht/ setz ich anfangs ein ar-  
zney/die für arm leüt/vnd die bald gemacht ist/  
die machet man also. Nym nuß bereit wie hievor  
gesagt ist anderhalb lot/ saltz/vnnnd zame rauten  
bletlin yedes ein quintlin/ zerstoß es vnder einan-  
der in einem morser mit wenig essich/vnnnd souil  
seygen/ das es werd als ein dicker teyg/dauonn sol  
man nemen morgens einer kessen groß/vnd so die  
zeyt hitzig wer/so nym bolum armenum bereit ein  
halb lot/zamer rautē bletter zweintzig/ vermische  
mit zehen oder zwölff seygen mit wenig essich wie  
oben steet/vnd brauchs auch wie oben steet.

¶ So ist auch ein fürnem artzney zū vffenthal-  
tung. So man zür wochen zwyret nympt morgen  
Tyriack ein alt mēsch ein quintlin/ein iungs bey  
zehen oder zwölff iaren ein halb quintlin mit roß  
wasser oder ampffer wasser/so die zeyt heiß ist/oder  
mit wein/od scabiosa wasser/so es nit heiß ist/ dar  
vff sol man fasten vier od fünff stunden zūm min-  
sten/vñ ist not zū schwitzen/darnach so mag man

*prescrip. auf für  
p. 100m*



auch oft nüchtern nemen electuarium liberan-  
tis/Das Gwido oder ander gemacht habenn/ wie  
mans bey den Apotekern findt/ zu mal ein quint  
lin am morgen nüchtern/ vnnnd wann man eines  
braucht/ soll man dann ein anders nit brauchen.  
ist auch gut das man etwan abwechsel/ vnnnd yetz  
pestilentz pillel/ yetz Tryacks/ yetz das/ yetzo ihenes  
brauche zu vffenthaltung/ wie du haben magst.

¶ Gedruckt vnd volendet in der lob-  
lichē statt Straßburg/durch Jo-  
hannē Knobloch. Als man zalt  
nach d geburt Christi vnfers  
herzē/Tausent fünffhun-  
dert vñ sechzehē Jare.



*Handwritten text in a cursive script, possibly a list or index, with a large decorative initial 'P' on the left side.*

*Faint handwritten text, possibly a continuation of the list or index, located in the lower middle section of the page.*













153989

AB 153980


3  
ULB Halle  
002 165 090  


TA 70L


VA











Centimetres

**Farbkarte #13**

**B.I.G.**



Magnus.

h der ver

s büch d heim

rti/ von artzney vñ  
 onnd edel gestein/  
 eßanten thieren.



*13 Aug 25 sam*

